



1

Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



PROCESVERBAL

Nga mbledhja e Kuvendit Komunal të Rahovecit, e mbajtur më **29.04.2022**, me fillim në ora **10:15**. Mbledhjen Kuvendit e ka udhëhequr Kryesuesi i Kuvendit z. Defrim Kafexhiu. Konstatohet se kuorum për mbajtjen e mbledhjes kemi, fillimisht e përshëndes nënkryetarin e Komunës z. Fatmir Iska, anëtarët e kuvendit komunal, ekzekutivin. përfaqësues të mediave dhe gjithë të pranishmit në sallë.

E kemi edhe një pikë shtesë, betimi i kuvendarit të ri z. Alban Bajraktari, i cili ftohet në foltore për leximin e deklaratës për betim:

Alban Bajraktari - Unë, Alban Bajraktari, "Betohem se do të kryej me nder, besnikëri, pa anime e me ndërgjegje dhe sipas ligjit detyrat, dhe do të ushtroj autorizimet e mia si anëtar i Kuvendit të Komunës së Rahovecit, në mënyrë që të sigurohen kushtet për jetë të qetë për të gjithë".

Kryesuesi – I nderuari z. Alban Bajraktari ju urojë mirëseardhje në mesin tonë. Pikat e rendit të ditës për këtë mbledhje janë:

REND DITE

Njësia Nr./Br./No 01 (Kuvendi i Komunës)

Nr./Br./No 322 Nr. i faq./Br.str./No.pg 01

Data/Datum/Date 31/05/2021

1. Shqyrtimi dhe miratimi i procesverbalit nga mbledhja e kaluar
2. Pyetjet dhe përgjigjet në pyetjet e kuvendarëve;
3. Shqyrtimi dhe miratimi i Projekt Statutit të Qendrës Kryesore të Mjekësisë Familjare në Rahovec (QKMF);
4. Shqyrtimi dhe miratimi i Projekt Planit Komunal për Integritet 2022-2026;
5. Raporti vjetor i Punës së Komitetit të Auditimit për vitin 2021;
6. Shqyrtimi dhe miratimi propozim vendimit për bartjen e mjeteve vetanake nga viti 2021 në vitin 2022;
7. Shqyrtimi i Raportit financiar janar – mars 2022;
8. Shqyrtimi dhe miratimi i propozim vendimit për formimin e komisionit për emërtimin dhe riemërtimin e rrugëve, rrugicave, parqeve, shesheve, lagjeve në komunën e Rahovecit;
9. Shqyrtimi dhe miratimi i propozim vendimit për formimin e komisionit për shqyrtimin e ankesave për emërtimin dhe riemërtimin e rrugëve, rrugicave, parqeve, shesheve, lagjeve, në komunën e Rahovecit;
10. Shqyrtimi dhe miratimi i propozim vendimit për caktimin e lokacionit për hapësira për biznese;
11. Shqyrtimi dhe miratimi i propozim vendimit për dhënien në shfrytëzim afatshkurtër të pronave Komunale për bujqësi;
12. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-00054-0, 00265-0, 00498-0, 02909-0, 03015-0, 03016-0, 00251-0;
13. Shqyrtimi dhe miratimi i propozim vendimit për dhënien në shfrytëzim afatshkurtër të pronës komunale për blegtori;
14. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-02302-0 dhe P-00250-0;

15. Shqyrtimi dhe miratimi i propozim vendimit për shpalljen me interesi të përgjithshëm publik parcelën P-71513005-02756-0 në Zonën Kadastrale Krushë e Madhe;
16. Shqyrtimi dhe miratimi i propozim vendimit për shpalljen me interesi të përgjithshëm publik parcelën P-71510033-00527-1 në Zonën Kadastrale Xërxë;
17. Shqyrtimi dhe miratimi i propozim vendimit për shpalljen me interesi të përgjithshëm publik parcelën P-71510033-00527-2 në Zonën Kadastrale Xërxë;
18. Shqyrtimi dhe miratimi i vendimit për vazhdimin e kontratës për dhënien në shfrytëzim afatgjatë të pronës së paluajtshme të komunës;
19. Shqyrtimi dhe miratimi i propozim vendimit për themelimin e Komitetit Konsultativ për Arsim në Komunën e Rahovecit;
20. Shqyrtimi dhe miratimi i Propozim vendimit për themelimin e Komitetit Konsultativ për Shëndetësi dhe Përkujdesje Sociale në Komunën e Rahovecit.

Kryesuesi – Para se të dalim me propozime te anëtarëve te kuvendit kumunal, pika e pestë e rendit te ditës, raporti vjetor i Punës së Komitetit të Auditimit për vitin 2021, për shkak te mungesës te kryesuesit te komitetit kjo pikë duhet të tërhiqet prej rendit te ditës, këtu kemi edhe emailin e dërguar nga z.Sead Rama, “Desha të ju njoftojë që nesër nuk mund te jem prezent në kuvend për arsye personale pasi që më ka ndodhur një punë urgjente jashtë dhe nuk gjendem në Rahovec. Me shpresë qe seancën tjetër te bëjë raportimin para kuvendit komunal”.

Sinan Kryeziu – Përshëndetje, faleminderit kryesues. Unë në emër te grupit te VV-së, kërkojë që pika e rendit te ditës nr.6 të shtyhet për senacën e radhës për arsye që këtë pikë në seancat e kaluara ne e kemi votuar pro, por për shkak te gjetjeve nga ana e ministrisë se financave, ka kërkuar ndryshim dhe rivotim në asamble, ne kërkojmë kohë që në seancën e radhës ta kemi materialin e të gjeturave, sepse mendojmë që ne mund të japim kontribut për ndryshim-plotësim-miratim, sepse kemi frikë që ministria e financave ta kthej prapa përsëri.

Sejfullah Sejfullahu – Përshëndetje për të gjithë, kam kerkesë që pika e 10-të, pothuajse e 15-ta, që është fjala për Krushë te Madhe, për shpalljen e interesit publik, të shtyhet një seancë apo dy, sepse kemi nevojë për disa konsultime dhe kohë.

Kryesuesi – Faleminderit Sejfullah, kryetari ka një sqarim lidhur me këto propozime, pastaj i vendosim në votim.

Kryetari – Përshëndetje kryesues Defrim Kafexhiu, drejtorë, asambleistë, media, nënkryetar. Kam një sqarim për Sinan Kryeziun; Ministria e pushtetit lokal, departamenti i ligjshmërisë dhe ministria e financave, kanë thenë që për tri projekte, shumë thjeshtë nga pozicioni i shërbimeve kapitale duhet te kalojnë në mallra dhe shërbime, pra, para dy seancave është dashur që ne mjetet e njëjta, mos ti bëjmë investime kapitale, po në mallra dhe shërbime. Kjo eshte kërkesë e ministrisë se financave – departamenti për buxhet. Drejtori Afrim limani është në dijeni te plotë për këtë qështje. Prandaj nuk duhet të humbim kohë, duhet të jemi te qartë se kjo është kërkesë e ministrisë se financave, te njëjtat kode duhet të kalojnë nga investimet kapitale në mallra dhe shërbime, vetëm ky është ndryshimi, gabimi këtu eshte se ministria është vonuar gati dy muaj, une ju ftoj ta votoni, këtu ndërrohet vetëm kategoria, kush nuk mendon si unë, le të vjen për demantim, ne e kemi bërë me procedurë me kohë, por gabimi ynë është që nuk e kemi qenë në dijeni që investimet kapitale tani e tutje duhet të barten në mallra dhe shërbime. Anëtarët e vjetër të kuvendit e dijnë shumë mirë se çfarë jam duke folur, d.m.th nuk është asnjë gabim këtu, thjeshtë ndërrohet kategoria. Sa i përket problemit të ngritur nga Sefa, duhet ta dini që para se ta shpallim zonën me interes publik, sigurisht që spastrohet qështja ne aspektin ligjor, bëjmë edhe dëgjimin publik në komunitet, e tëra qe kërkohej këtu është që ne, pronat e njëjta kërkojmë ti mbrojmë me kuvend te komunës, ku cdo ndryshim tjetër duhet prap te pytet kuvendi, është shumë e sigurt kur me vendim të kuvendit shpallim një parcelë me interes të përgjithshëm, por kjo nuk d.m.th që ne kemi të drejtë te veprojmë blanko, duhet ta spastrojmë situatën me gjeodezi dhe gjërat e nevojshme si dhe të konsultohemi me komunitet.

Në këtë rast ne duhet t'i takojmë Krushianët, të supozojmë që është një projekt për dhënien në shfrytëzim për nevojat që kanë bizneset, por përsëri duhet të bëjmë takime konsultative. Nuk kemi nevoj për

mosmarrëveshje, sepse vendimi ketë thotë “pika e rendit të ditës per caktimin e lokacionit” d.m.th ne veq e caktojmë lokacionit, e më pas e mbrojmë me vendim te kuvendit te komunës, më pas i trajtojmë temat tjera në procedurë.

Prandaj të ftoj për mosvonesë, sepse ne deshirojmë herën tjetër ta shpallim për Xërxë, për Ratkoc, për periferi te qytetit nëse kemi hapsirë, duhet që t’i mundësojmë hapësira te lira bizneseve vendore, por edhe të jashtme.

Shumë mirë që nuk e kemi rastin si me pronën ne Opterushë (zona ekonomike), që e kemi në bashkinvestim me ministrinë, prandaj aty jemi të stagnuar, mjetet janë, por nuk zhvillohet procedura per pjesëmarrje ne 20%, ata 80%, si është e rregulluar me ligj, ndërsa per Krushë, Xërxë, Ratkoc, Çifllak, Kramovik, Fortesë, ku do që të jetë, ne investimet i bëjmë vet si komunë, ose me partneritet publiko-privat e bëjmë zonën funksionale, për ketë arsye nuk e quajmë “zonë ekonomike” se ky term nënkupton ndërlidhje edhe në investim edhe në qeverisje.

Ju ftoj që edhe si krushianë që mos të vonoheni për ketë pikë se herën tjetër mund të jetë ndonjë pronë tjetër ne Krushe, për shpallje ne interes të përgjithshëm.

Sejfullah Sejfullahu – kryetar, t’a kuptova bukalisht “nietin e mirë”, gjithçka është OK, por këto spastrime që i permende duhet të kryhen paraprakisht. Ne kemi shumë probleme, ju e dini shumë mirë për problemin me AKM-në, qëllimin e mirë për mbrojtje e kuptoj, por aty kemi shumë konteste dhe është mirë të bëjmë një bisedë paraprakisht me qytetarë krushianë. Po iu tregoj një pasqyë: aty ekzistojnë toka që janë konfiskuar për pak tetime, aty ka toka qe hasianët iu kanë shitur krushianëve pa dokumentacion dhe sot e kësaj dite nuk i kanë vendosur mbi vete.

Ju e dini problemin e “Komasacionit” qe 30 vite që është në Krushe, deri më sot asnjë iniciativë as nga komuna as nga ministria e bujqësisë, më herët nuk kam qenë i kyçur në politikë, me sa e di dikush e ka fituar tenderin për Komosacion, por nuk ka lëvizur asgjë. Pa tendencë dhe jo si rol opozitarë, kërkojmë kohë dhe të ulemi për bashkëpunim. Singërisht qëllimi për biznese është shumë i mirë dhe puna më e mirë që kishit mundur ta bëni është rregullimi i Komosacionit, sepse aty ka uzurpime, ka njerëz që i shfrytëzojnë mbi 2 prona, t’i zbulojmë uzurpatorët. Për fat të mirë gjithçka është në emër te komunës, e jo të AKM-së, andaj kërkojmë informata shitesë dhe me singëritetin më të madh kërkojmë shtyrje të mbledhjes.

Kryetari – Sefë, ne bazohemi ne dokumentacion Kadastral, nuk është momenti, por e dimë edhe në qoftëse ka uzurpatorë, hapi i parë është që përmes kuvendit ta mbrojmë pronën, pastaj fillojmë me procedura tjera, ne shpesh edhe pronat e AKP-së i kemi shpallë si zona me interes të përgjithshëm, për parandalimin e veprimeve te paligjshme, për detaje ju e dini qe ne cilën rrugë kemi kaluar ne si popull, por une i besoj kadastrës sonë, e saktë me historiate te shkëlqyera. Ideja per shpalljen e zonës ne interes të përgjithshëm është ide e shkëlqyer ne fazën ku jemi, për cdo lloj prone. Psh: në çoftëse ne nuk i shpallim, atëherë vazhdon loja “jo është pronë e imja, jo ma kanë konfiskuar”, jo të bëjnë presion ty si përfaqësues i popullit ne kuvend, jo atij tjetrit.

Çdo presion që mundet me të ardhë ty, ose dikujt tjetër këtu, ne i kemi institucionet tona, ne nuk guxojmë të shkelim mbi te drejtën e pronës mbi askënd. Ne çoftëse ka pretendime, ka ndonjë lëndë në gjykatë atëherë ne nuk guxojmë te veprojmë, por mirë është t’i marrim në mbrojtje pronat, që nesër munden me qenë burim konfiktësh. Sa i përket Komosacionit, këtu ka pasë tentativa, këtu komuna, ministria dhe agjensioni kadastral involvohet vetëm nëse ka vullnet te komunitetit, dhe për ketë temë nëse ka vullnet për zgjidhjen e këtij problemi atëherë krushianët përsëri duhet të mbledhen, ti drejtohen komunës, jemi gati me peticion, me nënshkrime dhe gjithçka është në rregull, formohet komisioni i përbashkët, ministria e bujqësisë, komuna dhe agjensioni kadastral dhe i japim zgjidhje këtij problemi bashkë me vullnetin e artikuluar te krushianëve që e shohin si pengesë për realizimin e të drejtave te caktuara, jam krenarë qe jam kaq i saktë.

Sejfullah Sejfullahu – kryetar, nuk dyshoj ne saktësinë e kadastrës, po qytetarët kanë blerë toka, duke menduar qe me kohë ta kthejnë në pronë mbi vete, tokat kanë qenë te mbuluara me ujë, qytetari ka bërë shpenzime te mëdha për t’a konvertuar në arë, edhe me pas kanë dal në pah problemet e përkthimit sepse

toka figuron në emër të komunës, personalisht une sot e kisha votuar, por kam shumë presion prej komunitetit për shtyetje të votimit, me vullnet. Kaq.

Kryetari – Për pronat e komunës bëhen konsultimet publike, këtu pronare është komuna e Rahovecit, qka duhet të bëjmë me këtë pronë e bëjmë si e parasheh ligji.

Në këtë rast nëse ajo pronë është e komunës, krushianët nuk kanë asnjë arsye ta pengojnë vullnetin edhe mos të respektojnë autoritetin komunal. Unë mund të akuzohem edhe për mosveprim, se ndokush thotë: është duhet u keqpërdorur prona komunale, sepse nuk posedojmë vendim të kuvendit për marrje në mbrojtje pronën e caktuar, çfarëdo ndodhie që mund ta kemi duhet shpalosur me komunitet.

Ne edhe mund ta shtyejmë votimin, nuk është problem, por nuk bëjmë zgjidhje. Zgjidhje kemi atëherë kur kuvendi i komunës thotë: pronat e mia i shpalli zona ose parcela me interes të veçantë. Atëherë fillon debati me komunitet, nëse ka pretendime, ka lëndë në gjykatë, paraqitje të padisë, që i bie që duhet edhe mirë kish me qenë me fillu me Krushë sepse aty ka hapësira, ka edhe në Xerxe, ka në periferi të qytetit, ka ne Malësi të vogël, në Ratkoc është vetëm një hapësirë edhe ajo është e mbrojtur, edhe shume mirë që është.

Ne si kuvend i komunës duhet ti mbrojmë pronat tona, me miratimin e vendimit. Se çka realizohet aty, zone ekonomike, palestër sportive apo diqka tjetër, prap vendoset me kuvend, me konsultime, me ekspertizë ...

Prandaj unë jam për mos mi shty këtë gjë, se nuk ka nevojë, njëjtë ka me ndodhë edhe mbas dy muajve.

Burim Krasniqi – Përderisa fletë Sefa te pika 10 dhe 15 duhet ta mirëkuptoni, nuk dua të paragjykoj në kontestin juridik të pronësisë, është pronë komunale, a është në interes që ne t'a mbrojmë? Po. Por nuk mund të flasim aq ftohtë sa që t'i themi Sefës gabim je duke folur. Sefa është prej atij komuniteti edhe i njeh rrethanat më specifikisht, prandaj e mbështesë.

Unë si shef i grupit rekomandoj për shtyerjen e pikës 10 dhe 15-të, nën arsyetimin se vendimi thotë: "Shpallje e zonës për interes të përgjithshëm për biznes" kjo e ngulfatë aspektin e shfrytëzimit për bujqësi dhe turizëm, këtu rekomandoj shtyerje dhe duke ardhur me një vendim në kuvend pa specifikacion si dhe me plan zhvillimor komunal prej drejtorisë së urbanizmit ashtu si parashihet kjo zonë për të ardhmen. Nuk i arsyetoj pretendimet e njerëzve për pronat, pronën komunale është mirë të mbrohen, megjithatë ne si asambleistë të LDK-së pajtohemi me Sefën që në seancën tjetër të pregatitet një njoftim rreth planit zhvillimor komunal si e parasheh ajo zonë pa specifikacione si zone biznesore, por me qenë zonë e interesit të përgjithshëm dhe pas t'a shohim mundësinë në të ardhmen cila parcelë të jetë në shfrytëzim për bujqësi, biznes e turizëm në një zonë më afër lumit te pika 10 dhe 15-të.

Sa i përket pikës 6-të për bartjen e mjeteve edhe ne si grup pajtohemi me propozimin e Sinanit.

Dua të them që ne kemi votuar me mirëbesim, nuk i kemi hy analizave të thella, përveq që kemi qenë ne dijeni për teprimin e mjeteve, edhe OK. Tash jemi duke e parë që votimi ka qenë veprim i gabuar, veprim i gabuar vendimmarrës i asamblesë komunale.

Nuk e kemi pasë edhe rekomandimin e ministrisë së financave dhe ministrisë së pushtetit lokal pse është gabim? Kryetari është në dijeni, por edhe ne duhet me qenë ne dijeni.

E dyta që dua ta diskutojë është që sipas raportit financiarë të vitit 2021 keni thenë janë shpenzu 98% të mjeteve, ne anën tjetër 600,000eu janë 10% të investimeve kapitale, 600.000eu nuk i ka komuna e Rahovecit të hyra vetanake vetëm për muajin dhjetor (periudha e mbylljes së vitit fiskal). Është mirë të jemi në dijeni në cilat projekte kanë mbetë mjetet e pashpenzuara që janë bartë këtu. Sepse këto janë mjete të pashpenzuara të kodeve specifike buxhetore. Pëyeq që kërkojmë prej asambleistëve shtyerjen e kësaj pike për seancën e radhës, po kërkojmë të jemi në dijeni se prej cilave kode buxhetore kanë tepër këto mjete, në suaza të mirëkuptimit ta votojmë shtyerjen dhe të na jepni informata plotësuese për këtë pikë. Faleminderit.

Kryetari – Unë besoj që Burimi nuk e ka të qartë situatën që mjetet e nëntorit dhe dhjetorit nuk kanë të drejtë shfrytëzimi, këtu bëhet fjalë për tejkalim të hyrave, (jo nuk ka nevojë për replikë hiç edhe mos u bë shumë filozof) tash mirë është me dëgjju. Pra ju nuk e keni të qartë çka keni votu, gabimi qëndron te ju, jo te ne. Të lutem jam duke folur une, kur t'a merr fjalën atëherë përgjigju...

Ju lutem, barjtja e të hyrave (ka tejkalim bukur të mirë të të hyrave) e dini shumë mire se sa është tejkalimi i të hyrave, plani i të hyrave ka qenë 1.062.000eu ndërsa kemi 497.000eu më shumë, plus të hyrat që nuk kemi të drejtë ti shpenzojmë në nëntor dhe dhjetor.

Ministria e financave ka thënë që këto kanë me qenë mallra dhe shërbime, jo investime kapitale, pra ne e kemi vazhdu traditën për 4 vite për të njëjtat projekte, psh: një projekt është furnizimi me gypa, kemi kontratë, obligim aty, prej ministrisë kanë thënë që furnizimi me gypa nuk do të jetë më investim kapital, po do të konsiderohet mallra dhe shërbime, pra votimi ka ndodh shumë në rregull me qëllimin më të mirë në vazhdimësi të traditës së miratimit të vendimeve të kuvendit komunal, ku ministria e financave i ka përfillë duke thënë që këto projekte: Hartimi i projekteve, furnizimi me gypa dhe intervenimet emergjente, nuk kanë me qenë më investime kapitale, por janë mallra dhe shërbime, pra këtu nuk ekziston asnjë gabim, kemi vepruar drejtë, mirëpo ministria e financave tani e tutje këto janë mallra dhe shërbime, e jo investime kapitale. Prandaj ju them që nuk ka nevojë për bllokim të procesit.

Unë e ftoj PDK-në dhe VV-në që ta votojnë pikën e bartjes së mjeteve, sepse mos harroni që jemi edhe në krizë financiare dhe skemi nevojë për bllokim të mjeteve.

Ne edhe mund ta shtyejmë, por mos harroni se edhe një muaj zgjat, ne qoftëse sot merret vendimi për bartje të mjeteve. Atëherë ju ftoj ta mbështetni këtë pikë, ndërsa sa i përket pikes së Krushës, nuk më pengon shtyerja e pikës, qëllimi është ta mbrojmë pronën tonë duke e shpallur interes të përgjithshëm sa më shpejtë sepse jam në dijeni të shqetësimeve të krushianëve. Prandaj i drejtohem Burimit, që nëse keni rol frenues dhe bllokues duhet ta dinë qytetaret e komunës, nuk ta sygjeroj këtë rol.

Edhe një herë, është shumë e thjeshtë, këto tri projekte që i kemi votu në investime kapitale, ministria na thotë që të kthehen në mallra dhe shërbime, dhe nuk e konsideroj të logjikshme që për këtë gjë të shtyhet votimi sepse do të ishte gabim kardinal politik, atëher reflektu Burim, sepse je përfaqësues, mos e merr pozicionin e bllokimit, sepse janë 600.000eu dhe duhet me i vendosë në punë.

Kryesuesi – Fillimishti i kam dy fjalë, pastaj fjalën e kanë kërkuar: Burimi, Bejtullahu, Sinani.

Po besoj që nuk është qështje e kryetarit, se kush e mban primatin e opozitës. Unë si kryesues i kuvendit komunal i mbrojë interesat e anëtarëve të këtij kuvendi, çdo ofendim kundër tyre është i papranueshëm dhe i panevojshëm.

Kryetari – kryesuesi duhet të ma jep fjalën, e dyta: kryesusi duhet të jetë në dijeni që nuk duhet të bëjë komente për kryetarin, por ka për detyrë administrimin e seancës, prandaj vetëm asambleistat kanë drejtë për komente. Edhe një herë, ministria e financave thotë; për zhbllokimin e 600.000eu vendosni prej investimeve kapitale, në mallra dhe shërbime, përndryshe nuk mund të përdoren, tri projekte; hartimi i projekteve, furnizimi me gypa, intervenimet emergjente nuk ka asgjë të paqartë këtu, prandaj nuk po e fyej kuvendit, fola për Burim Krasniqin si protagonist si me qenë filozofi Seneka, por une e kam lexuar edhe Senekën, kështu që ky kërkon “dhjam prej pleshtit” e din ky se Afrimi ia ka shpjeguar, prandaj e ftoj kuvendin mos të vonohet, mos u tall me qytetarë si përfaqësues i zgjedhur Burim Krasniqi, e aq më tepër si një kryetar i një subjekti politik, mos u tall.

Burim Krasniqi – janë për keqardhje këto fyerje ndaj asamblesë është hera e tretë ose e katërt - mesazhi më i keq i mundshëm.

Bllokues nuk jam as une as LDK-ja, sepse në seancën e pare, bartjen e mjeteve e kemi votuar pa hamendje, pa diskutim me mirëbesim, e tash është bërë ndonjë gabim duke u bazuar në fjalët e ministrisë së financave edhe asaj të pushtetit lokal dhe prap duhet të votojmë, dhe thoni që ne e dimë qka kanë thënë ata, e për juve nuk ka rëndësi, mos u tallni me ne. Me profesion jam inxhinier, nuk jam filozof siç thotë kryetari, prandaj i kam fjalimet e shkurtëra dhe të qarta, e ata që kanë lexuar libra filozofike e shesin “pallavra” para qytetarëve, janë ata që deklarojnë vetë.

Kryetari – Askush nuk mundet me marrë përsipër me e fy kuvendin siç po tallet Burim Krasniqi. Ky po tallet me kuvendin. Nuk është qështje mirëbesimi këtu, në rend dite ka qenë bartja e mjeteve, ka vazhduar tradita e votimit, si është votuar çdo here në këtë kuvend, ministria e financave ka thënë që ky votim për investime kapitale është gabim, duhet me qenë mallra dhe shërbime. Kaq. Fyerje ska këtu, po them që

filozofia e Burim Krasniqit nuk ec. Të nderuar asambleist-njerëz të zgjedhur, nuk e kam fy kuvendin, jam një ndër kryetarët e rrallë që vij në seancë dhe ju e dini që kam të drejtë një herë në gjashtë muaj. Burimi mundet me pyetë kryetarin e komunës Imri Ahmetin, se ne e kemi diskutuar këtë problem në asociacion të komunave se pse hartimi i projekteve nuk është më investim kapital. Ministria e financave shumë projekteve iu ka ndërruar kategorinë buxhetore, prandaj këtu shpesh herë kemi diskutu për keqklasifikim, prandaj në çoftëse nuk e miratojmë bartjen e të hyrave, konsiderohet edhe keqklasifikim edhe bllokim i të hyrave vetanake. Kaq. Edhe nuk e kam për fyerje ndaj Burimit, njihem mire me të dhe më njihni mirë të gjithë, ideja është që mos të vonohemi për një pike kur dihet që vetëm kategoritë buxhetore duhet të ndërrohen, besoj që Afrim Limanu iu ka bërë të qartë dhe e dini, ndërsa Burimi si një specialist shquar e din më mire se të gjithë ne, prandaj i them mos filozofo, në këtë kuptim pa fyerje, mos harro nuk është fyerje ta them me respekt mos merr pozicion frenues për “cikrrime” të vogla kemi tema më të mëdha.

Sinan Kryeziu – faleminderit kryesues, këtë farë pune po e marr me sportivitet, sepse këto mjete janë tepricë, pa hezitim po e them që kur është propozuar këtu për votim, gjithë grupi i VV-së kemi qenë pro.

Ne nuk po themi që nuk do ta votojmë kurrë, nuk e di çka është keq që ne mund ta japim kontributin tonë edhe mbas një muaji, shumë thjeshtë. Ne grupin tonë i kemi disa eksperta, që duhet të konsultohemi, që mos ta kemi problemin e kthimit edhe një herë. Shumë faleminderit, ne jemi për shtyerje për seancën e radhës.

Bejtullah Deliu – faleminderit, i nderuar kryetar, kryesus, drejtorë, media.

E mirëkuptoj dhe mishërohem plotësisht me asambleistin Sejfullah Sejfullahu, për vetë faktin me qfarë emocioni dhe shqetësimi bisedoi rreth këtyre pikave, ne e mbështesim asambleistin tonë dhe kërkoj edhe nga kryetari edhe nga kolegët tjerë që keto dy pika të tërhiqen nga rendi i ditës, ndërsa sa i përket pikës 6, është seanca e katërt që vazhdimisht po kërkojë më tepër materiale dhe po neglizhohet nga secili, nuk jemi të njoftuar asnjëherë detajisht para seancës se çka bëhet fjalë, te bëhemi gati kur te vijmë në seancë, së paku materialet që kthehen nga ministria përkatëse ti kemi edhe ne, pse janë kthy? Arsyeshmëritë ti kemi. Nëse i kemi me kohë ne edhe mund ti përkrahim, e jo gjatë seancës ta kuptojmë arsyen e kthimit nga ministria. Ne po dalim ndoshta edhe keq para votuesve tanë në këtë rast edhe jemi në lajthitje edhe me ministrinë.

Duhet të debatojmë për këto të holla që duhet të kthehen, e që duhet të shtyhet 1 muaj, 2 ose 3, mirëpo nëse ne nuk jemi të mirëinformuar nuk është etike që vetëm me një ngritje të dorës t'i votojmë pikat.

Besmire Bytyçi – Faleminderit kryesues, i nderuar kryetar, nënkryetar, kolegë asambleistë, të nderuar drejtorë. Realisht nuk e kuptoj tendencën për t'a shtyrë pikën, kur në KPF u sqaruan të gjitha dhe zotërinjtë në fjalë nuk i patën të njejtat mendime, nuk e di cili ka qenë ndryshimi prej KPF-së e deri më tani.

Konsideroj që përveq që mos të hiqet kjo pikë nga rendi i ditës, duhet patjetër edhe të votohet, sepse qytetarët e komunës po presin përfundimin e projekteve që janë të shkruara pikërisht në këtë pike të rendit të ditës. Ju ftoj për konstruktivitet, pa dallime, për opozitë me vend dhe të kemi përkrahje reciproke. Faleminderit.

Kryetari – Në bazë të raportit të MAPL-së, ne jemi komuna e vetme që kemi më pak “shkelje” nga kuvendi i komunës. Unë pajtohem me Bejtullahun që ne duhet t'i japim informacione vazhdimisht, por ne e kemi edhe një filtër që quhet komiteti për politika dhe financa (KPF), që besoj drejtori Afrim Limani e ka sqaru. Kjo pike ka ardhë në kuvend pa dëshirën tonë që edhe një herë me hy në rend dite. Dëshira jonë e dini që ka qenë ashtu siç e kemi diskutuar para 2-3 muajve, ti hargjojmë mjetet, por në tri projekte janë blloku 600.000eu, që po thonë levizi, prej kësaj kategorie në tjetrën, asgjë tjetër nuk ndryshon pos kësaj.

Ju siguroj që kuvendi i komunës në momentin që ka votuar për bartjen e mjeteve, nuk ka gabuar siç mendohet, pse ka qenë koha kur është dashur të votohet. Arsyeja tjetër që skemi gabuar në votim ka qenë që praktikat e mëhershme e kanë dëshmuar që këto kategori çdo herë kanë qenë investime kapitale, tani nuk e kemi veq komuna jonë këtë problem, por të gjitha komunat e Kosovës, lirisht pyetni kryetarët e partive të juaja për këto probleme që po flasë në kuvend, e kemi vazhdu traditën, ministria e financave po thotë jo në investime kapitale, bartni në mallra dhe shërbime. Kaq. Sa i përket Sinanit, me respekt: nuk mundemi ti shpenzojmë mjetet vetanake të vitit 2022 kur plani tejkalohet, të nëntorit edhe dhjetorit nuk kemi të drejtë sepse ligji na ndalon, e kur kemi tejkalim nuk mundemi ti shpenzojmë po në atë vit, duhet patjetër të barten

në vitin tjetër. Tani që i kemi 497.000eu më shumë, ne e kemi pyetur kuvendin për vendosje në këto projekte, sa i përket shpenzimit në atë vit, nuk kemi të drejtë ligjore dhe për këtë arsye bëhet bartja e mjeteve për vitin tjetër, ky sqarim bazohet në ligjin mbi menaxhimin e financave publike. Prap po i drejtohem Burimit, se ky e din që une kam të drejtë në këtë rast edhe këta duhet me votu, por nuk po e ftoj për votim, le të mbetet në ndërgjegjen e tij si përfaqësues i zgjedhur dhe si një kryetar i një subjekti politik. Duhet ta kemi të qartë se mjetet e njëjta nuk mund ti shpenzojm pa i bartë në mallra dhe shërbime si dhe duhet ndërruar vendimi nga kuvendi i komunës. Propozimi im si sponsorizues i dy pikave për Krushe, pa marr parasysh që arsyetimi nuk është i bazuar deri në fund, por për shkak të shqetësimeve, ne duhet të ulemi për konsultë me Sefën, Beratin, Arbrin...Kjo neve mund të na vonojë por nuk na shkatton problem, ndërsa pika nr.6 e bartjes është telashe, nuk është mirë që kuvendit të komunës ti ndodh kjo, për arsye të kota.

Unë propozoj që dy pikat me i tërheq, pikat për Krushën. Ndërsa pikën për bartje ju ftoj për votim, na kanë kërkuar këtë korigjim, ndoshta edhe prap na kthejnë prapa, për këtë arsye ekziston kuvendi i komunës. E teprava, por me qëllim të mire. Ju lutem, une ktu jam bashkë me juve për me i qu proceset përpara.

Rasim Fazliu – Faleminderit kryesuse, përshëndetje për kryetarin, nënkryetarin, asambleistat, drejtorët, përfaqësues të mediave. Sa i përket bartjes së mjeteve vetanake prej vitit në vit edhe une desha të kontribuoj pak me mendimin tim. Po flasë në bazë të punës se i kemi kryer në ligjislatura tjera, pavarësisht se kush ka qenë kryetar i komunës, bartja e mjeteve gjithmonë duhet të bëhet, sepse është në interes të qytetarëve. Kontributi jonë mund të jetë se në cilin vend mund ti shfrytëzojmë ato mjete, nuk po flasë politikisht, por ajo qka duhet të ndodh, pa marr parasysh se kush është në pushtet.

Me kryetarin desha të sqarohem, sepse në mandatin e kaluar për katër vite, çdo herë në shtator për votim të buxhetit, e kemi pasë pikërisht të njëjtin problem. Kemi thënë që disa projekte që i takojnë investimeve kapitale, nuk duhet të jenë ashtu, por i takojnë mallrave dhe shërbimeve, me pasë kanë ndodhur ngecje e diskutime si dhe mosvotimi i buxhetit për arsye që qeverisja ka pas kundërshtim kategorik në këtë rast për dallim me neve. Kemi bërë edhe pyetje në ministrinë përkatëse, por nuk kemi marr përgjigje, duke na thënë që nuk mund të na japin përgjigje njëherë. Kjo ishte sa i përket bartjes së mjeteve, për pikat tjera shëfën e grupit të PDK-së bashkë me Sefën, e mbështesim dhe vazhdojmë tutje.

Burim Krasniqi – Kryetar, keni ardhë me tendencë në takim, se nuk kam kërkuar asgjë më shumë se Bejtullahi përveç dokumentave shtesë. Kur vijnë dokumentet në asamble komunale, mos llogaritni që ne i votojmë edhe harrojmë qka ka ndodhë. Raporti financiar për vitin 2021, në faqe 3 tabela 1.2 thotë: të hyrat janë tejkalu vetëm 111.000eu dhe në muajin nëntor dhe dhjetor i kemi vetëm 171.000eu të hyra, kjo nënkupton që nuk janë tejkalime të planifikimeve 600.000, por janë mjete të pashpenzuara në kode të caktuara buxhetore, ne fillim kërkoja informatën se qka ka thënë ministria dhe prej cilat kode buxhetore kanë tepër këtë para, po hyrja në diskutim me paragjykim krijon momentume të caktuara, thjeshtë po dëshmoj që nuk kam ardhë për të filozofuar, por po ju tregoj se qka keni prur për të votuar në raportin financiar.

Kryetari – Burimi le ta mëson që ekzistojnë të hyrat e rregullta dhe të jashtëzakonshme të gjykatave që janë gjordat e trafikut, gjordat nga pyjet. Prandaj këto vijnë çdo tre mujorë. 170.000eu, ju po thoni që ka tejkalim, por bashkë me gjordat që dalin kah fundi i janarit, janë 497.000eu, shikoje saktë, por kaq është tejkalimi i planit. Apo kupton, bashkë me të hyrat e rregullta dhe të hyrat e jashtëzakonshme, kjo është e sakt. Ne nuk kërkojmë që të votoni diqka që se keni të qartë, Burim. Mos voto bllanko kurrë, as ju as askush. Ideja është që ne duhet ta tejkalojmë këtë qështje, në rend dite posepo, por edhe për t'a votuar. Ndërsa për ekzibicione, të përgëzoj se kështu duhet të flitet si tani, e jo si folë më herët.

Kryesuesi – Faleminderit kryetar, atëherë po vazhdoj me qështje të votimit, fillimisht për propozimin e Sinan Kryeziut, për shtyerjen e pikës 6, kush është PËR largimin e kësaj pike për seancën tjetër?...

Kundër?... Atëherë në këtë rast, me keqardhje unë duhet t'a shfrytëzoj të drejtën e votës së dyfishtë si kryesues, votoj për shtyerje për këtë pikë për seancën tjetër. Atëherë pika e 6 e rendit të ditës shtyhet për seancën tjetër me 15 vota PRO, 14 KUNDËR, fjalën e ka kryetari Latifi.

Kryetari – Mirë, ju e votuat. Sefë seriozisht nuk po të kuptoj pse duhet ta shtyejmë këtë pikë, për kundër dy pikave tjera që të kuptova. Në rregull është e drejtë e juaja. Unë nga sot, me anëtarët e kuvendit për veq qe do sillem me respekt, do mundohem të sillem ndryshe, sepse këtu ka edhe paragjykime, tendenca, pozicion frenues si dhe pozicion inatesh. Unë ndoshta me njëren prej partive politike do ta shikoj mundësinë e bashkëpunimit, e këta të tjerët mund të “rreziten n’dilli”, por nuk është mirë që ndodhi, “e bafshi me shnet” Burim, përndryshe zgjedhjet kurr ske me i fitu, të siguroj, jeni duke e komplikuar jetën e qytetarëve. E ftoj PDK-në për reflektim edhe VV, për kundër Burimit, me këtë negativitet jo korrekt kundrrejtë dy partive tjera.

Kryesuesi – faleminderit kryetar, pauzojmë 10 minuta e me pas vazhdojmë... Atëherë, kuorum më duket qe kemi, vazhdojmë ... propozimi i Sejfullah Sejfullahut, largimi i pikës 10 dhe 15 nga rendi i ditës, të dy pikat janë për zonën kadastrale në Krushë, po i vendosi të dyjat në votim...Kush është PËR? kundër, abstenim? Atëherë me shumicë votash aprovohet propozimi i Sefës, për shtyerjen e pikave 10 dhe 15 për seancën e ardhshme. Rekomandimi i sekretarisë se kuvendit është që gjatë votimit dorën mbajeni lartë me shumë sekonda që na ndihmon më lehtë numërimin e votave per dërgim në MAPL.

Rumir Zhuniqi – faleminderit të gjithëve. E kam edhe unë një propozim, që pikën 2 (pyetje dhe përgjigje të kuvendarëve) të shtyhet për senacën tjetër.

Kryesuesi – për hirë të korrektësisë, po e vendosi propozimin e Rumirit për largimin e pikës 2 në votim: Kush është PËR? (janë 5 vota PËR), kundër? Abstenim? Atëherë po e vendosim në votim miratimin e rendit të ditës me gjithësej 16 pika: fjalën e ka kryetari Latifi.

Kryetari – Unë propozoj rikthimin në rend të ditës të pikës 6 edhe i ftoj asambleistët ta votojnë propozimin tim.

Kryesuesi – Meqenëse anëtarët e kuvendit kanë votu një herë kundër edhe propozimi ka qenë një herë prej ekzekutivit për këtë pikë të rendit të ditës, duhet të marrim një interpretim prej një zyrtari ligjorë, a ka të drejtë që një pikë që është votuar kundër, të propozohet prej ekzekutivit, nëse ka mundësi bazimi të jetë ligjorë. Në momentin që vjen miratimi prej zyrës ligjore, ne e vendosim në rend dite.

Kryetari – e di që është votuar një herë, por kuvendi ka rregullore dhe ju ftoj për mos të vonohemi, ndoshta po e teproj, por seanca tjetër bëhet në maj, e për këtë pikë të bartjes të mbajmë seancë të jashtzakonshme, nuk është e arsyeshme. Ju ftoj me mirëkuptim, le të rikthehet pika, përgjegjësitë i ka prap kuvendi, sepse jemi shumë vonë jemi ne muajin e pestë të vitit, e mjetet janë të vitit 2021, kjo vështirëson pozicionin e komunës. Unë e kuptoj mendimin ndryshe, por ne nuk jemi ministria e financave, ne e kemi pritur sqarimin në muajin mars, kemi pas vonesë sepse ka probleme në të gjitha komunat, ju kisha lut rikthejeni pikën në rend dite.

Kryesuesi – e mirëkuptoj kryetarin, por kërkojmë një interpretim brenda 10 minutave nga zyrtarët ligjorë, që është e drejtë që për pak minuta një pikë e rendit të ditës të rikthehet menjëherë, në momentin qe e kemi interpretimin e vendosim në rend të ditës edhe votohet.

Bejtullah Deliu – jemi konfuz pak në këtë pikë, kisha pas qejf të dalim në pauzë pasi edhe e kemi kohën. E me pas edhe vendosim.

Kryesuesi – Atëherë shkojmë me një pauzë deri ne ora 13:30...

E kemi miratimin e rendit të ditës, kush është PËR miratimin me përmbajtje prej 16 pikave? Me shumicë votash miratohet rendi i ditës. Vazhdojmë te pika e parë e rendit të ditës “shqyrtimi dhe miratimi i procesverbalit nga mbledhja e kaluar” Kush është PËR?... Me shumicë votash aprovohet edhe pika e parë e rendit të ditës. Kalojmë te pika e dytë e rendit të ditës, a ka ndokush prej kuvendarëve ndonjë diskutim?

Lirigzon Kastrati – Faleminderit kryesus, te nderuar drejtorë, kolegë asambleistë.

I kemi tri pyetje për ekzekutivin, projekti i shtratit të lumit për fshatrat Brestoc, Hoçë e vogël, Nagac dhe Krushë e Madhe, është një projekt që është lenë në gjysëm, kompania kontraktuese qe i ka fillu punimet aty, banorëve iu ka vështirësuar punimin e pronave të tyre, kërkojm sqarim për këtë qështje. Projekti tjetër për fshatrat e njejë është për ndriçim, ka fillu por nuk e dijmë kur përfundon? Ju faleminderit.

Kryetari – Une e dhashë një propozim edhe një herë për rikthimin në rend të ditës nr 6 kërkoj të hidhet në votim, ju ftoj për mirëkuptim duke filluar nga kryesuesi e shefat e grupeve ta rikthejmë, është kërkesë shumë e arsyeshme dhe është shumë mirë me respektu, me rikthi në rend dite dhe sinjerisht po flasë ta kalojmë këtë pikë, sepse kemi edhe tema tjera, i kemi edhe ditët e pushimit andaj ju ftoj kushdo që e propozon vetëm ta kalojmë, mjafton vullneti ta rikthejmë në rend dite.

Kryesusi – Faleminderit kryetar, pa marr parasysh bisedat ose sygjërimet e tuat me shefat e grupeve, unë po besojë që është mirë të shtyhet për një seancë tjetër, me ardhë me një vendim, pasi edhe është miratuar rendi i ditës nuk jam për me vendosë sot ne votim, por ende nuk e kemi interpretimin e zyrës ligjore a lejohet apo jo. Kjo është për këtë qështje. Këtu jemi si institucioni më i lartë brenda komunës dhe në rast jemi duke rënë ne lajthitje. Kryetari i komunës është mysafir këtu dhe nuk ka të drejtë t'i përzihet kuvendit në punë të brendshme. Të paktën injorimi i kryetarit të komunës që po i bëhet asamblesë komunale, prej fillimit të mandatit të ri është i paprecedent, rasti i sotëm-kryetari po dëshiron t'a rikthejë një pikë që është votuar për largim, dëshiron ta rikthejë prapë edhe një herë në po të njejën seancë dhe vonohet 40 minuta në pauzë, prandaj është e paarsyeshme unë të ju pres dhe e vazhdova seancën.

Kryetari – më fal, së pari kryetari i komunës nuk është mysafir këtu, e dyta, asnjë seancë e kuvendit të komunës nuk mund të mbahet pa konsultë me kryetarin e komunës, me ligj po të flasë.

Shumë korrekte është sjellja ime, ju e miratuat rendin e ditës me arsyetimin vonësës dhe pamundësisë për pritje, nuk bën kështu, kuvendi i komunës nuk bën me injoru kryetarin e vet me arsyetime shterpe, me mirëkuptim fola me të gjithë, qe mos ta shtyejmë sepse ka mundësi edhe sot me u kry.

Paralajmërim, me çdo alternativë do ta bëjë shumicën në kuvend, dhe mund të jetë seanca e fundit qe kuvendi e ka këtë kryesus, shkruajeni këtë në procesverbal. Edhe një herë ju them, unë jam i vetdijshëm që propozimin po e kërkoj me e rikthi në kuvend, një punë qe duhet ta kryejmë sot, skemi nevoj ta lëmë mbas një jave. Imagjino tash kuvendi i komunës ti vonoj të hyrat e veta, skemi nevojë për vonesa, ju tregva qe çdo herë ministria i ka pranë kategoritë buxhetore njejtë si cdo herë. Këtë herë ka pas ndryshim në të gjitha komunat e Kosoves, hallin e kam unë sepse jam përgjegjës me u siguru qe komuna megjithatë po funksionon mirë me kuvendin e vet. Nuk është puna me e vu në lajthitje askë, sepse u konsultova me zyrën ligjore dhe më thanë që është në rregull, duhet ta rikthejmë në rend të ditës, sepse unë as në ëndërr nuk e ka pa që do të ndodhë kjo situatë. Këto pare nuk i shkojnë ekzekutivit, po janë kontrata janë operatorë që presin, janë borgje financiare. Mirëkuptone, nuk është në rregull që kjo pikë te shtyhet për muajin maj, duhet ta përfundojmë tash, sepse të gjitha komunat janë në hall të njejtë me këtë qasje të re të ministrisë.

Kryesuesi – kjo qasje e kryetarit para meje në këtë foltore është e papranueshme për kuvendin komunal edhe për mua si përfaqësues i këtij kuvendi. Unë jam anëtar i kuvendit komunal, nuk e kam me patjetër të qëndroj në krye të kuvendit, jam i zgjedhur nga ky kuvend dhe do të qëndroj deri në momentin qe ky kuvend mendon ndryshe. Do ta kryej punën me përpikmëri të madhe dhe do ti mbrojë kuvendarët nga "ofendimet" që munden me ardhë prej ekzekutivit. Dua të dal te qështje e KPF-së, të paktën e kam për llogari ta raportojë këtu për raportet qe i kemi pasë me ekzekutivin si zyrë e kryesuesit. Një shembull konkret: vetëm një herë ne formë jozyrtare kryetari më ka ftuar për konsultim për pika të rendit të ditës, për ftesën që i dërgohet anëtarëve të KPF-së. Qështja tjetër është që kryesuesi i kuvendit po vendoset para aktit të kryer, ku nënshkrimi i ftesës për thirrjen e seancës të KPF-së është i domosdoshëm, nëse jo, atëherë kryesuesi del keq para KPF-së, para asambleistëve por edhe para qytetarëve te komunës se Rahovecit. Pra, të gjithë asambleistët meritojnë ta dijnë raportin kryesuse-ekzekutiv, e kam një thirrje tjetër për zyrtarët ligjorë që operojnë ne komunën e Rahovecit, në këto 4 seanca jo çdo herë kemi marr vendime në përputhje ose në shpjegimet e zyrtareve ligjorë, kjo i bjen qe kuvendi ka vepruar drejtë sepse asnjë vendim nuk është kthyer nga MAPL. Përkundrazi MAPL ka kthyer vendime të cilat i ka përpiluar zyra ligjore. Tjetër qështje, kryetari i tha Burim Krasniqi protagonist i opozitës, që nuk është e vertetë sepse protagonist nuk kemi, këtu kemi kuvend komunal kryetar, si tërësi. Unë përveti nuk i dalloj si pozitë si opozitë. Po kthehna edhe një herë te qështja e kryesuesit, nëse mendon që unë si kryesues kam frikë prej shkarkimit, mendon gabim. Nuk e kam domosdo të mbesë kryesues i kuvendit, po më e rëndësishmja është qe kuvendi nuk mbetet pa

kryesues. Kushdo që bëhet nuk ka fare rëndësi. Ky kuvend komunal vepron në bazë të një rregulloreje që ka dal po prej këtij kuvendi dhe ka marrë miratimin prej MAPL-së, nëse kjo rregullore nuk respektohet, atëherë nuk po respektohet asambleja komunale. Faleminderit për vëmendje.

Kryetari – kryetari i komunës asnjëherë nuk e refuzon asamblenë komunale, nga 12 takimet që janë mbajtur në të gjitha kam marrë pjesë, asnjëherë ska ndodh mos me i respektu vendimet e kuvendit të komunës, asnjëherë nuk ka ndodh që kryetari me ik prej ballafaqimeve në kuvend. Kryesues, e para une nuk ti tregoj detyrat që të takojnë si kryesues i kuvendit, por as ju nuk ka nevoj të më tregoni se cilat detyra me takojnë si kryetar komune, une i respektoj vendimet e kuvendit sepse kështu ma kërkon ligji. Nëse unë si kryetar i komunës, kam dëshirë që ta kem shumicën në kuvend, kjo nuk është kercënim, ska nevojë për frikë, ti e din që po të kisha pas mundësi si kryetar i komunës me vendos se kush bohet kryesues, ti nuk do të ishe berë kurrë. Po në këtë rast je berë kryesues sepse kuvendi i komunës ka vendosë ashtu. Pse ti vjen te sekretaria, e nuk vjen në zyrë te kryetari i komunës për bashkëpunim? Ose pse ti nuk e thirr ne telefon kryetarin e komunës? Nëse mendon që e kam gabim, pse spo konsultohesh për rend dite? Pra, në qoftëse ky kuvend vendosë per inicim të procedurës për lirim nga detyra për kryesues, nuk duhet të të vie keq, prandaj po të ftoj për seriozitet për punë. Janë rreth 600.000eu të cilat po kërkohen me zhblloku e që janë vonu, dhe një kryesues është njeriu nr.2 i komunës zyrtarisht, dhe nuk duhet me shfaqë anime në këtë situatë ku jemi për moment. Nuk e kom pas idenë më të vogël që në këtë pikë të rendit të ditës të kemi telashe, sepse kjo pika ka kaluar nëpër filtra, është votu më herët dhe tani po kërkohet ndërrimi i kategorisë. Mos e ngarkoni komunën se komuna ka lajme të mira, kemi shpërblim 1.148.890eu jemi nr.1, i dyti është Ramiz LLadrovci, i treti Imri Ahmeti, kështu që mos ti njollosim si kuvend lajmet e mira që ka komuna jonë, jam bashkëpunues, ju shërbejë te gjithëve, nuk bëj dallime, kryetari me ekzekutivin gjithmonë nga ne kërkohet llogaria, kjo është arsyeja që unë duhet ta marr fjalë shumë shpesh në kuvend dhe në momentin që unë kërkoj ta marrë fjalën, duhet ta marr për demantimin e gjërave që nuk qëndrojnë. Sa i përket zyrës, zyra ligjore është institucion i cili i përgatit vendimet që i propozon kryetari ose ekzekutivi për kuvendin e komunës. Nuk bëhet asgjë edhe nëse gabojnë, pse ja keni marrë inatin Mirsadit edhe Isakut, këta janë institucion që kanë përgjegjësi për hartimin e këtyre dokumenteve, mos harroni kuvendi i komunës se Rahovecit është ndër kuvendet më të mira në Kosovë, dhe cdo vendim që është kërkuar për rikthim në kuvend, e kemi rikthi. Pra jemi komunë bukur normale dhe mos e prishni këtë normalitet. As nuk ju fyej as nuk ju ofendoj ashtu si mendoni ju, se fyerja më e madhe është mos me ardh mu ballafaqu këtu, me i pas 2 pika në rend dite dhe kuvendi i komunës mos të ketë material për shqyrtim. Kemi ardh në pushtet për punë, për këtë arsye i kemi 20 pika në rendi dite sot, se po punohet. Edhe një herë ju ftoj të gjithëve, mos të vonohemi, mos ti grumbullojmë punët nesër e mbasnesër, propozoj edhe një herë me e rikthi në rend dite pikën, me mirëkuptim nuk është mirë me u blloku kuvendi, e as pikat e rendit të ditës sepse me këso gjërash nuk ka prespektivë në planin afatgjatë.

Kryesuesi – nuk d.m.th. që kuvendi komunal ka stabilitet vetëm atëherë kur i shkon përshtati kryetarit të komunës, asambleja komunale si tërësi e kryen punën e vet, kryetari të veten. Fjalët e kryetarit i marr si kërcënim, po jo asi lloji i kërcënimit që me e dërgu në gjykatë, në fund nuk ka nevoj të më drejtohesh me “nuk e ki gat” thjesht janë procedurat, janë elementet, i ki mundësitë. Vazhdo, kaq.

Kryetari – jam duke e shqyrtuar mundësinë me arritë shumicën, ndoshta e bëj edhe me juve edhe ti vazhdon të mbetësh kryesues. Jam i interesuar sepse ekziston një bllokadë në kuvend. Të ftoj që mos mendo që institucioni i kuvendit të komunës është krejtësisht i pavarur nga ekzekutivi i komunës, janë disa relacione që duhet të ruhen dhe bazohen në ligj dhe mos harroni që keni të bëni me një kryetar që deri më tani nuk ka asnjë aferë, bile bile jam më i fortë se Albin Kurti, sepse atij cdo ditë po i dalin skandalet, nuk udhëheqi unë me qeveri të skandaleve. Kështu që prap po ju them, qysh u mirëkuptuam për ato dy pikat e Krushës, ju lus ta rikthejmë pikën e bartjes, sepse është veprimi më i mirë për këtë kuvend komune, sepse kemi pika tjera në seanca tjera, nuk e di pse ka kaq shumë nevoj për kësi lloj ligjëratash.

Kryesuesi – e kanë kërkuar fjalën disa prej asambleistave, por unë e kisha bërë një konsulltë me sekretarinë e kuvendit, për një propozim, që këtë seancë ta lëmë të hapur dhe të vazhdojmë javën tjetër për shkak të

ecurisë që e kemi marr një farë rruge pa përfundim. Nëse hasim në mirëkuptim të anëtarët e kuvendit, një datë e përshtatshme mundet me qenë sot një javë (e premte), ok vazhdojmë me këta që e kanë kërkuar fjalën, Besë Bytyqi, Hasani, Sinani, Isaku etj...okej me tolerim, fjala për Isakun.

Isak Hoti – Përsëritet kryesues (me zë të madh) kryetar, anëtarë dhe drejtor.

Nën 1, zyra ligjore asnjëherë askënd nuk e vë në lajthitje, nën 2, më shumë se dy herë të kam thënë, kur ti kemi pikat e rendit të ditës me pas takime më të shpeshta, kur të konvenon ty, qoftë edhe në dy e tre të natës, në shtëpi apo zyrë. Neni 81 i LVQL- shqyrtimi i detyrueshëm i ligjshmërisë së aktit, ndër tjera neni 82 thotë; nëse autoriteti mbikëqyrës se një vendim apo akt i komunës nuk është në përputhje me kushtetutën dhe ligjet, komuna duhet të rishqyrtoj vendimin apo aktin e tillë, për më poshtë i kemi edhe afatet ligjore, organi i njesisë për VQL i përgjigjet kërkesës për shqyrtim brenda 30 ditësh, nëse komuna nuk i përgjigjet brenda afatit, refuzon kërkesën, apo mbështet vendimin apo aktin e kontestuar, autoriteti mbikëqyrës mund të kundërshtoj aktin me një fjalë në gjykatën e qarkut (tash janë gjykatat tjera, pasi e qarkut nuk ekziston), d.m.th nëse ju nuk veproni, me këtë punë mirret gjykata. Argumente për kryetarin që e ka vendosë në propozim ka me bollëk, nënshkrues i vendimit ka qenë kryesuesi i kuvendit. Kaq pata, ju përsëritet.

Besë Bytyqi – Faleminderit kryesues, është diskutuar shumë rreth rendit të ditës, kush kënd e ka vë në lajthitje, nuk po mirremi vesh, i vetmi që kuvendin e ka vë në lajthitje me këtë rend dite jeni ju kryesues i nderuar. Fillimisht kur seanca nisi the kështu, unë propozoj ta heqim pikën 5 “Raporti vjetor i Punës së Komitetit të Auditimit për vitin 2021” pse ta heqim? Pa konsultë me neve dhe pa e pyetur kuvendit, dëshironi apo jo? Për tre pika që ju keni pasë interes keni pyetur, për këtë pikë tjetër jo, pse kryesues? Pse i ke vë në lajthitje kolegët e mi? Ne si grup i Aleancës, propozojmë që pika e 6-të “Shqyrtimi dhe miratimi i propozim-vendimit për bartjen e mjeteve vetanake nga 2021 në 2022” me të gjitha gjërat që i tha kryetari i komunës, zyrtari ligjorë dhe që e diskutuam së bashku të futet në rend dite për në seancën në javën e ardhshme. Gjithashtu në KPF, në këtë rast Burimi (më vjen keq që po ta përmendi emrin), por ke thënë në rregull është, meqenëse e kemi votuar një herë, e votojmë sepse nuk paska asnjë problem, këto janë fjalët e tua Burim, i kemi edhe në procesverbal, e mbajë në mend shumë mirë. Faleminderit.

Sejfullah Sejfullahu – ju falenderojë për pikat, kjo i bie që më unifikuës se unë nuk po del askush.

E dyta, kryetar, ftoj shëfat e grupet parlamentare, diskutoni rreth këtij problemi me MAPL-në, që mos të mbesim edhe në në pozitë të keqe, për nder nuk ka ndonjë efekt që edhe tash të votojmë, por më herët e ngrita dorën, tash ta bëj të kundërtën, atëherë dyshojnë votuesit e mi, kështu që po ndihem shumë mire, merruni me shëfat të grupeve parlamentare, Faleminderit.

Për fund kam kënaqësinë për një lajm të mirë, heroina jonë Fahrije Hoti- drejtoresha e kooperativës, është shpallë “Gruaja europiane e vitit 2022”- e meritojmë një duartrokitje ne si krushianë...

Kryetari – Unë fjalën e mbajë, kur kemi dakordim jemi unifikuës, nuk kemi qëllim me vë në lajthitje askush njëri-tjetrin, nëse tani kemi votuar pro, nëse kemi dakordim mundemi mbas dy ore të votojmë kundër. Në këtë rast unë kërkoj dakordim me të gjithë shëfat e grupeve, për pikën për të cilën sot “kemi ça drrasa” është mirë t’a tejkalojmë, e nesër mos ta kemi barrën e vonësës sepse ky është proces, jemi në muajin e pestë të vitit dhe ne ende se kemi bërë bartjen e të hyrave vetanake, ju lutem këtë pikë ta kalojmë sot, sepse drejtorja e financës nesër duhet ta dërgojë dokumentin – javën tjetër e vazhdojmë pjesën tjetër të mbetur të seancës.

Sinan Kryeziu – Faleminderit kryesues, kur zyrtari ligjorë i lexoi ligjet, unë si jurist mendoj që leximi edhe interpretimi dallojnë duke u drejtuar të unë me një vrazhdësi. Unë ligjin di ta interpretoj vet, por kur jemi te interpretimi i ligjit, te njerëzit e profesionit mendoj që kemi lloje të ndryshme të interpretimit të ligjit.

Kemi interpretim logjik- përmes logjikës e marrim interpretimin se a është i mirëqenë zbatimi i normës juridike apo jo. Te rasti në fjalë që po flasim, këto janë pretendime të palëve të cilët kanë të drejtë ligjore të pretendojnë a kanë të drejtë apo jo. Nëse kryesuesi në këtë rast ka bërë shkelje procedurale siç tha nga shëfja e grupit të aleancës, mendoj që nuk është ajo me dal me konkluzion, e ka mirë apo keq, por nëse mendoni që keni të drejt, atëherë e keni të drejtë që në instanca më të larta të bëni kallëzim, ligjin nuk e njoh mirë, por e njoh shumë mire. Faleminderit.

Hasan Përboqi – Përshëndetje kryesues, të nderuar asambleistë, ekzekutiv i komunës. Kryesues, pa dashtë të replikoj askënd tjetër, me sinqeritetin më të madh, parimisht rendin e ditës e keni nënshkruar ju, dhe ju na keni bërë ftesën për sot në seancë dhe në moment që kryesuesi del kundër nënshkrimit të vet, nuk më duket aspak e ligjikshme, nuk është në rregull dhe mbi të gjitha në situata kur kemi vota të barabarta, kryesusi e shfrytëzon votën e dyfishtë edhe prap i bie që po del kundër nënshkrimit të vet duke thënë që duhet ta heqim nga rendi i ditës, kur ka dyshime duhet para nënshkrimit ta heqim një pikë nga rendi i ditës. Kjo është situata më e qartë ku ne asambleistat jemi vu në lajthitje, prap po them situatë jo e mirë kur kryesuesi del kundër nënshkrimit të tij, faleminderit.

Kryesuesi – Unë i qendrojë mbrapa këtij nënshkrimi, une i nënshkruaj edhe vendimet për dërgim në MAPL, por shumica në asamblenë komunale ma zhbëjnë edhe nënshkrimin, Hasan. Shumica e asamblesë komunale mendon ndryshe. Qështje tjetër është po të refuzoja të nënshkruaj rendin e ditës duke kërkuar të heqim një pikë prej rendit të ditës, është e paarsyeshme dhe e ndihshme.

Hasan Përboqi – këtu nuk ka vendosë shumica, votat ishin 14 – 14, kryesuesi kur të del kundër vetes është interesant si në këtë rast, vota juaj vendosi. Keni pasë mundësi mos ta shfrytëzoni votën, të kërkonit konsultim si me pozitë si me opozitë, si të veprojmë se kemi mbetë të bllokuar në situatë të palakmueshme. Më pengoi që vota juaj vendosi në këtë rast, faleminderit.

Kryesuesi – Qështja e votimit tim është shumë personale, por bazohet në legjislacionin në fuqi dhe nuk mundem të të jap llogari ty, faleminderit.

Edona Kryeziu – Përshëndetje për të gjithë që janë ne përcjellje të kësaj seance, pa dashur ta zgjasë shumë sepse bashkëbisedimet na shynë kohën, keqkuptimet me njëri tjetrin besoj që në kuvend nuk zgjidhen, ftojeni njëri tjetrin për kafe dhe gjejeni zgjidhjen e duhur. Sa i perketë vazhdimin të seancës, duket të keni konsideratë pak sepse të gjithë punojmë nëpër sektorë private, nganjëherë është e pamundur me qenë të lirë, po mendoj edhe jam për vazhdimin e seancës pavarësisht që kemi keqkuptime, faleminderit.

Samir Mustafa – Përshëndetje për të gjithë, duke debatuar këtu jemi gati pesë orë, si kryesues i kuvendit ftoji shefat e grupeve, luajë rolin e unitetit dhe vazhdojmë tutje.

Kryesuesi – Përshëndetje edhe njëherë anëtarë të kuvendit komunal, i nderuar kryetar, nënkryetar, drejtorë të drejtorive, po vazhdojmë me seancë.

E kemi një propozim nga shefja e grupit të aleancës për kthim në rend dite të pikës “Shqyrtimi dhe miratimi i propozim-vendimit për bartjen e mjeteve vetanake nga viti 2021 në 2022” po e vendosi në votim !

Kush është PËR? Atëherë me 25 vota për, aprovohet shtimi i një pike të rendit të ditës, d.m.th kjo është pika e 17 e rendit të ditës, me propozimin tim do të vazhdojmë ditën e enjte. Unanimisht vendoset që seanca të mbetet e hapur dhe të vazhdojmë të enjten prej orës 10. Shfrytëzoj rastin për urim të Bajramit si dhe përfundimin e muajit të shenjtë të Ramazanit, deri në javën tjetër mirëmbetshi.

Vazhdimi i seancës së datës 29.04.2022 e cila është mbajtur me 05.05.2022 me fillim në ora 10:00. Mbledhjen e kryesoi: Kryesuesi i Kuvendit z. Defrim Kafexhiu. Konstatohet se kuorum, për mbajtjen e mbledhjes ka pasur:

Kryesuesi – Fillimisht më lejoni t’iu përshëndes, i nderuar nënkryetar i Komunës z. Fatmir Iska, të nderuar kuvendarë, drejtorë të drejtorive komunale, përfaqësues të OJQ-ve, përfaqësues të mediave, qytetarë të Komunës së Rahovecit dhe gjithë ju të pranishëm! Ky seancë është vazhdim i seancës së datës 29.04.2022. Po ju njoftoj edhe një herë me pikat e rendit të ditës i cili i ka gjithsej 17 pika:

Rend Dite

1. Shqyrtimi dhe miratimi i procesverbalit nga mbledhja e kaluar
2. Pyetjet dhe përgjigjet në pyetjet e kuvendarëve;
3. Shqyrtimi dhe miratimi i Projekt Statutit të Qendrës Kryesore të Mjekësisë Familjare në Rahovec (QKMF);
4. Shqyrtimi dhe miratimi i Projekt Planit Komunal për Integritet 2022-2026;

5. Shqyrtimi i Raportit financiar janar – mars 2022;
6. Shqyrtimi dhe miratimi i propozim vendimit për formimin e komisionit për emërtimin dhe riemërtimin e rrugëve, rrugicave, parqeve, shesheve, lagjeve në komunën e Rahovecit;
7. Shqyrtimi dhe miratimi i propozim vendimit për formimin e komisionit për shqyrtimin e ankesave për emërtimin dhe riemërtimin e rrugëve, rrugicave, parqeve, shesheve, lagjeve, në komunën e Rahovecit;
8. Shqyrtimi dhe miratimi i propozim vendimit për dhënien në shfrytëzim afatshkurtër të pronave Komunale për bujqësi;
9. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P- 00054-0, 00265-0, 00498-0, 02909-0, 03015-0, 03016-0, 00251-0;
10. Shqyrtimi dhe miratimi i propozim vendimit për dhënien në shfrytëzim afatshkurtër të pronës komunale për blegtori;
11. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P- 02302-0 dhe P-00250-0;
12. Shqyrtimi dhe miratimi i propozim vendimit për shpalljen me interesi të përgjithshëm publik parcelën P-71510033-00527-1 në Zonën Kadastrale Xërxë;
13. Shqyrtimi dhe miratimi i propozim vendimit për shpalljen me interesi të përgjithshëm publik parcelën P-71510033-00527-2 në Zonën Kadastrale Xërxë;
14. Shqyrtimi dhe miratimi i vendimit për vazhdimin e kontratës për dhënien në shfrytëzim afatgjatë të pronës së paluajtshme të komunës;
15. Shqyrtimi dhe miratimi i propozim vendimit për themelimin e Komitetit Konsultativ për Arsim në Komunën e Rahovecit;
16. Shqyrtimi dhe miratimi i Propozim vendimit për themelimin e Komitetit Konsultativ për Shëndetësi dhe Përkujdesje Sociale në Komunën e Rahovecit.
17. Shqyrtimi dhe miratimi propozim vendimit për bartjen e mjeteve vetanake nga viti 2021 në vitin 2022;

Kryesuesi – Pikën e parë e kemi aprovuar, kemi mbetur tek pyetja e dytë, por fillimisht fjalën e ka kërkuar z. Feriz Thaqi si përfaqësues i OVL-UÇK, i cili do na njoftoj për një ngjarje e cila do të ndodhë gjatë kësaj jave në Komunën e Rahovecit.

Feriz Thaqi – Përshëndetje për të gjithë të pranishmit, tani në këtë moment jam duke folur në emër të organizatave të dala nga lufta, sot është data 5 majë dita e dëshmorëve të kombit, është ditë e cila përkujton të rënët e të gjitha luftërave për lirinë e kombit, kjo datë është një datë shumë e rëndësishme për shqiptarët pasi në këtë datë kujtohen dhe nderohen të gjithë ata që dhanë jetën për lirinë e atdheut. Bota e qytetëruar shoqëritë e rritura përmes vlerave ku janë themeluar parimet themelore për ecurinë e brezave mes tjerash kanë mësuar kombin të kthejnë rregullisht kokën mbrapa që të shohë rrugën e përshkruar, të di sa nga vjen, të kujtojnë dhe të respektojnë historinë e të parëve dhe të mësojnë nga ajo rrugë se ku do të shkojë. Është kjo arsyeja që pothuajse të gjitha shtetet dhe kombet e kanë një ditë në vit që i përkujtojnë të rënët dhe dëshmorët në betejat për atdheun e tyre. Me 24 prill të vitit 2000 pas shumë përpjekjeve u miratua ligji për statusin e dëshmorit të atdheut në të cilën përfshihen të gjithë dëshmorët e periudhave historike dhe të rënët në luftën e UÇK-së. Kjo datë përkon edhe me fillimin e javës së dëshmorëve të komunë së Rahovecit e cila fillon sot dhe përfundon me 12.05.2022, mirënjohje dhe respekt të pafund për të gjitha ato djem dhe vajza që me gjakun e tyre vunë themelet e këtij shteti, nuk mjafton të përulemi përpara sakrificës së tyre, ata dhënë për këtë vend për një Kosovë dhe për një Shqipëri më të mirë dhe nuk ka mënyrë më të mirë dhe më të denjë për ti respektuar dëshmorët në këto ditë dhe çdo ditë sepse për të punuar fortë për të bërë realitet

atdheun që ata e ëndërruan, lavdi dëshmorëve të kombit. Të nderuar kisha kërkuar nga ju që të ngritëni në këmbë dhe të mbajmë 1 minutë heshtje për të gjithë të rënë për lirinë e atdheut, Lavdi.

Kryesuesi – Ju faleminderit i nderuari z. Feriz Thaqi për këto fjalë të mirë që i the për nderim të gjithë dëshmorëve të kombit. Vazhdojmë aty ku kemi mbetur tek pika e dytë e rendit të ditës.

Ilir Pallqa – Përshëndetje për të gjithë të pranishmit në sallë, pyetja ime shkon për Drejtorin për Shpëtim z. Kujtim Dina, i nderuari drejtor po ju bëjë thirrje që të i mbronit të drejtat e zjarrfikësve, e di që i keni kompetencat e kufizuara, por të paktën rregullimi i objektit ku ata funksionojnë është nën kompetencat komunale. Gjendja në atë objekt është e mjerueshme, drejtori e dinë sepse e ka zyrën në atë objekt, poashtu edhe kryetari e dinë sepse është duke shkuar gjatë festave që ti vizitojë, mos marrja e masave për intervenim në atë objekt tregon se vizitat që është duke i bërë kryetari i komunës festë pas feste nuk janë asgjë tjetër veçojë fasadë politike, kurse ata në atë objekt nuk kanë as fasadë bazike, ju kisha lutë që të merrni masa.

Burim Krasniqi – Përshëndetje për të gjithë të pranishmit në sallë, fillimisht të gjithë veteranëve, familjareve të dëshmorëve urime dita e dëshmorëve sepse dëshmorët kanë vetëm ditëlindje dhe dite feste e nuk kanë ditë morti ose ditë vdekje sepse ata e kanë dhënë jetën për liri. Çështja e bujqve në komunën e Rahovecit është bërë temë në të gjitha mediumet lokale dhe ato nacionale, nuk mundem të kuptoj lojën e cila bëhet në kurriz të bujkut, nëse themi se jemi për bujqësinë dhe për bujqit duhet të jemi me të vërtetë, e them këtë sepse ka më pak se një muaj drejtorja për inspektoriat e ka pasur një aksion në fshatin Xërxe ku ka ardhur deri tek konfiskimi i mallit, bujkut Sadri Morinës ju është konfiskuar malli. Prandaj ne duhet të kemi mirësjellje ndaj bujqve, ata ndoshta janë duke shitur në vendet jo të duhura, por ne gjithmonë jemi duke proklamuar se jemi në krizë. Nuk është mirë të i thuhet bujkut largohu nga këtu por është mirë të i gjendet një zgjidhje, pra ti jepet një opsion pra nëse është në pronë publike ekziston rregullore komunale për dhënie në shfrytëzim të pronës publike, pra duhet të njoftohet bujku që ka të drejtë të bëjë kërkesë për shfrytëzim të hapësirës publike paguan disa tarifa dhe e merë në shfrytëzim. Që nga paslufta nuk e di që ndonjë bujku ju është konfiskuar malli, por ka ndodhur para një muaji në fshatin Xërxe, ne kemi me qindra e mijëra objekte pa leje, është mirë të i bëhet zgjidhje, të i ofrohet mundësia e jo të i konfiskohet malli dhe është diskriminim që dikujt të i konfiskohet malli e dikujt jo. Ajo që është më e keqe se në zhvillimet e fundit nacionale lista Guxo asnjë parti politike nuk e ka dëmtuar më shumë se LDK-në, kryetari i Junikut i cili vije nga LDK-ja, ka shkuar dhe e ka takuar ministrin z. Peci, që ti bëhet zgjidhje bujqve të Junikut, pse kryetari jonë nuk shkon ta takojë ministrin e bujqësisë, drejtësisë dhe odën e noterëve ti thotë zotëri ministër çështja e noterisë është problem për komunën e Rahovecit, ti thuhet është një vendim sillna një vendim për 1 muaj që ti kryejmë shërbimet bujqve, nëse doni edhe sallën e asamblesë komunal ju lirojmë, nuk luhet me bujqit të nderuar dhe të dilet në medime të thuhet se qeverisja qendrore po i bënë keq dhe ne mirë. I bëjë apel kryetarit të komunës që mos të bëjë lojëra politike me bujqit e komunës së Rahovecit, kur është nevoja shkojmë cep në cep të Kosovës me nevojë e pa nevojë duhet edhe tani të shkojmë ta takojmë ministrin.

Sinan Kryeziu – Përshëndetje për të gjithë të pranishmit, dua të flasë sa i përket investimeve që janë bërë nga komuna e Rahovecit me theks të veçantë në fshatin Xërxe, në seancën e fundit të datës 29.04.2022, e që realisht është vazhdimësi kjo seanca e sodit. Kam propozuar që të shtyhet pika e dytë bartja e mjeteve financiare për një mbledhje të radhës, jam munduar në formon time ta arsyetoj pse duhet të shtyhet kjo pikë, por fatkeqësisht drejtori i ekonomisë i cili është edhe vendasi imë z. Erhan Morina, e ka bërë një shkrim në faqen e tij zyrtare dhe pastaj ja dërgon portaleve të fshatit Xërxe ku u mundua që ti jep informacion sa i përket rrjedhave të seancës, në vend që të jep informata të sakta ai ka bërë dezinformim, do mundohem ta citojë atë se çka ka thanë: Është fatkeqësi e faktit se asamblistët e fshatit nuk e kanë mbështetur vendimin për bartje të mjeteve ku në veçanti është destinuar buxheti për shkollën fillore dhe çerdhe të fëmijëve në Xërxe, për shkollë janë destinuar 60,000.00 € kurse për çerdhe 13,000.00 €, e thotë se është fatkeqësi fakti se asamblistët tanë për poenë politike votojnë kundër interesave të fshatit dhe komunitetit. I nderuari drejtor unë nuk kam votuar kundër poashtu ju garantoj se nëse nuk votoj për diçka të mirë për komunën tonë nuk votoj as për keqë. Dua të flasë për fshatin tim disa fjalë dhe të ju njoftoj sa i përket investimeve që janë bërë në fshatin Xërxe, di të them se fshati Xërxe ofron një ambient të mirë për jetesë pa dallim dhe për arsye të

pozitës gjeografike që e ka është vend me perspektiv në biznes. Fshati Xërxë është taksapaguesi më i madhe në komunë pas qytetit, duke u nisur nga kjo konsideroj se është bërë shumë pak në fshatin tim nga ana e ekzekutivit, këtë e arsyetoj si në vijim, që nga paslufta dhe deri më tani në fshatin time si investime më të madha që janë bërë rrjeti i kanalizimit ku pe nënvizojë se 50 % e buxhetit është mbledhur nga vetë qytetarët, janë shtruar rrugët me kubëza ku poashtu participues kanë qenë qytetarët e fshatit Xërxë. Në qeverisjen e kaluar është bërë ndriçimi publik i rrugëve kryesore të fshatit vlera e investimit rreth 80,000.00 €, mos të i hy në hak kryetarit dhe qeverisjes së tij në vitin e kaluar ka filluar implementimin projektit të ndërtimit të çerdhes për fëmijët e fshatit por fatkeqësisht ende nuk është realizuar poashtu arsyen nuk e dimë pse. Fshati Xërxë funksionon me këshillin e fshatit dhe kryetarin e sajë dhe kanë legjitimitet të plotë sepse zgjidhen drejt nga banorët e këtij fshati dhe ata mirën drejtpërdrejtë me problemet dhe nevojat e këtij fshati, ku kërkesat e tyre pastaj i shndërrojnë në prioritete ku pastaj i dërgojnë me shkresë zyrtare Komunës së Rahovecit. Këtë e argumentoj me kërkesën e fundit që ju është bërë me datë 27.07.2021, ku në parashtrësë janë 14 pika ose kërkesa, këtë e them që ta dinë drejtori Morina, njëra nga pikët është që banorët kërkojnë që të bëhen rrethojat e fshatit ku kanë kërkuar përsëri që të jenë ata participues të 50% të shumës, por fatkeqësisht me datën 03.08.2021, drejtorja e shërbimeve publike merë një vendim ku thuhet kështu: Aprovohet pjesërisht kërkesa e z. Murat Kryeziut nga fshati Xërxë..... dhe në arsyetim ceket kështu: Pas shqyrtimit të shkresave të lëndës dhe daljes në teren, komuna e Rahovecit kërkesën tuaj e aprovon pjesërisht, të nderuar nëse dëshironi të përdorni gjuhë institucionale administrative juridike, kur parashtrohet një kërkesë zyrtare nga komuniteti nëse aproveni pjesërisht duhet të ceket se cilën pikë e ke aprovuar dhe pse e ke aprovuar dhe cilën pikë e ke refuzuar dhe pse e ke refuzuar. Kërkojmë që të bëhen investime në mënyrë të drejtë dhe proporcionale në të gjithë komunën tonë, duke u nisur nga qyteti dhe fshatrat e komunës sonë.

Kryesuesi – Jam duke parë disa mimika që më janë duke u bërë nga kuvendarët, të nderuar unë jam udhëheqësi i seancës, z. Sinani e shfrytëzoi edhe minutat e shefit të grupit, më vije keq por shefi i grupit të VV-së nuk ka më hapësirë. Nëse ka nevojë mu shpreh njëri nga kuvendarët atëherë unë do ja lejojë sikurse Sinanit poashtu edhe të tjerëve që dëshirojnë të shprehin ndonjë shqetësim.

Afrim Berisha – Përshëndetje për të gjithë të pranishmit, nuk dua të kundërshtoj shumë shefin e grupit të LDK-së, por aq sa kam informata unë edhe kryetari poashtu edhe drejtori i bujqësisë kanë qenë në ministrinë e bujqësisë dhe kanë kërkuar që të kontaktojnë me ministrin Peci. Nuk e di se si mundet të thotë një shef i grupit që le të shkojnë ta takojnë, i nderuar këta kanë shkuar ta takojnë dhe poashtu mbajnë kontakte me ministrinë e bujqësisë, mua më vije shumë keq për situatën e krijuar kur të gjithë e dimë që në komunën tonë ka 2 vite që nuk kemi noter, por problemi nuk është në komunë por tek qeverisja qendrore.

Bejtullah Deliu – Përshëndetje për të gjithë të pranishmit në sallë, pyetje ime shkon për drejtoreshën e shëndetësisë, të gjithë e dimë që ka ekzistuar një sektor i fizioterapisë në QKMF, ky sektor ndoshta në mënyrë jo të duhur ishte shpallur dhe sa kemi informata është mbyllur. Por forma ose njoftimi i cili ju është bërë punonjësve të këtij sektori ka qenë ju i rregullt ose jo i mirë, pra ju është ndërprerë kontrata pa paralajmërim edhe pse ligjërisht së paku një muaj përpara njoftohet punonjësi, mendoj se kjo është një shembull shumë i keq për të punësuarit në komunën tonë nëse vazhdohet në këtë formë. Kurse sa i përket diskutimit të bërë për bujqësinë, në kohë pandemie është bërë një propagandë e madhe kishe se për interes të bujqve duhet të gjendet një formë për shitjen e produkteve të tyre, në pjesën e bëmjakës janë ndërtuar disa baraka nga drunjtë për shitjen e produkteve, por tani kush e ndalon komunën që të organizohet me bujqit sikurse gjatë pandemisë dhe të i ofrohen ato baraka për shfrytëzim dhe nëse mendohet që është larg atëherë pse mos të i gjendet ndonjë hapësirë tjetër.

Vlora Vuçitërna - Përshëndetje për të gjithë të pranishmit, desha të diskutoj sa i përket konkurseve të shpallura në muajin shkurt nga drejtorja e shëndetësisë. Ky konkurs është shpallur për dy pozita, ku është kërkuar një teknik i farmacisë dhe një infermier, që të dy këto kandidatë të pranuar për çudi janë nga fshati Ratkoc dhe që të dy janë të afërm me kryetarin e komunës. Tekniku i pranuar më herët ka qenë shofer i urgjencës në Ratkoc dhe për çudi shumë shpejtë bëhet infermier. Poashtu tani është shpallur edhe një

konkurse po nga kjo drejtori për 12 vende pune, ku kërkohen 12 infermier dhe një teknik i farmacisë, pyetje ime është kështu, a dihen kandidatët të cilët do të pranohen në këtë konkurs ose ka shpresa edhe për profesionistët e tjerë shëndetësorë që të hynë në këto pozita por që nuk i takojnë partisë në pushtet. Poashtu pozita e teknikut të farmacisë, kandidati i cili do të pranohet ose dihet se kush do të pranohet a do të mbetet në pozitën e teknikut ose edhe ky person me një strategji më vonë do të kalojë në pozitën e farmacistit në fshatin Drenoc, pasi dihet që në këtë fshat shumë shpejtë farmacisti do të dele në pension. Kam edhe një propozim ose sugjerim për drejtorin e shëndetësisë, a ka mundësi që të sigurohet QKMF-së dhe AMF-ve ujë të distiluar në një sasi pak më të madhe ose ndonjë aparat i cili e distilon ujin, këtë e propozove në mënyrë që mos të detyrohen pacientët nga barnatorja e QKMF-së të shkojnë në barnatore private për tretje të një shurupi sa më të thjesht.

Merisa Sharku – Përshëndetje për të gjithë, para disa ditësh është mbajtur një takim publik me qytetarët e komunës sonë sa i përket ndërtimit të sheshit në qendër të qytetit, jam bërë pjesë e këtij konsultimi publik me një entuziazëm se me të vërtetë do të behët një takim publik për një punë të mirë për atë pjesë të qytetit e cila është lënë aq shumë pas dore, ku kjo pjesë është qatë e rëndësishme për qytetin e Rahovecit. Në takim u njoftuam që komuna ka fituar një grant nga MZHR-ja, në vlerën prej 75,000.00 €, kurse vlera totale e këtij projekti është 112,717.00 €, ku pjesa shtesë është participim nga Komuna e Rahovecit. Në këtë projekt parashihet ndërtimi i pllakave në qendër të qytetit, rregullimi i trotuareve, ndriçimi publik, vendosja e disa ulëseve, drunjte dekorativ, trajtimi i asfaltit në qendër, rregullimi i rrethit, shirit për çiklizëm, lyerje dhe fasadim i objekteve banesore përreth sheshit, ky është citat i prezantuar nga prezantuesi i takimit. Pyetja ime është se a do të mjaftojnë këto mjete për të gjitha këto pika që i ceka. Pas këtij prezantimi në monitor na u shfaqën dy slajde amatoreske ku ishin shfaqur dy ide të propozuara, ku njëri ishte që të vazhdohej me rreth rrotullim kurse tjetri me ishuj, një projekt kaq i rëndësishëm dhe të tentohet që të kalohet ashtu kalimthi për mua është shumë shqetësuese. Në këtë takim kishte shumë pak të pranishëm, salla ishte pothuajse e zbrazët dhe shkak i kësaj mendoj se ishte organizimi i dobët i komunës, i kisha lutur që në këto takime ku diskutohen çështjet e këtij lloji të mos trajtohet pa seriozitet. Këto lloje takime nuk bëhet vetëm me një njoftim në veb faqe të komunës sepse ko formë e njoftimit nuk sjellë qytetar, prandaj kishte me qenë mirë që të nderoni formën. Në pyetjen time drejtuar kryesuesit të këtij takimi se a do të ketë takime tjera për këtë projekt, përgjigja ishte jo sepse sipas tij nuk kemi kohë sepse afati ligjor është vetëm edhe 14 ditë, procedurat marrin kohë dhe është e pamundur. Pas insistimit se ky projekt nuk duhet të kalohet në këtë mënyrë të nesërmen u ftua edhe një takim me ekspertët të fushave përkatëse ku bëjë pjesë edhe unë, por papritur na dol në projektor projekti me të cilin është fituar granti, ky projekt është punuar pa u konsultuar askush, mendoj se gjatë projektimit të këtij projekti ideor është dashur të konsultohen ekspertë dhe qytetar të cilët kishin me pas mundësi me dhënë kontribut. Ju kisha sugjeruar që të i jepem më shumë vëmendje projekteve të këtij niveli, është mundësi shumë e mirë që të kemi një projekt i bukur dhe funksional poashtu projekt i cili do ti jep një imazh të mirë qytetit të Rahovecit.

Sejfullah Sejfullahu – Përshëndetje për të gjithë të pranishmit, Pyetje ime është se në kuadër të zgjerimit të rrugëve fushore dhe shtruarja e tyre me zhavorr, dua ta di se si janë mundësitë buxhetore që edhe në pjesën në mes dy pllakave përkujtimore në trekëndëshin Nagavc – Randobrav – Krushe e Madhe, të shtrohet sepse kjo rrugë frekuentohet në ditët përkujtimore. Pyetje tjetër është po e njëjta pyetje të cilën e ka parashtruar kolegu Lirigzon Kastrati, procka e cila ja fillon nga fshati Brestoc e deri në Krushe kur do të përfundoj sepse ka filluar të kundërmojë një erë shumë të keqe.

Leonard Morina – Përshëndetje për të gjithë të pranishmit, shqetësimi imë është sa i përket cilësisë së arsimit në komunën tonë, drejtori i DKA-së i cili e ka për detyrë që të kujdeset për cilësinë në arsim e ai është duke u kujdesur për mos cilësi në arsim. Do ja fillojë me Malësin e Vogël, nxënësit e kësaj shkolle që 4 muaj nuk mbajnë lëndën e fizikës, pra rreth 400 orë janë humbur në këtë lëndë, e njëjta situatë është edhe në shkollën fillore në fshatin Polluzhë ku që 4 muaj nuk ka edukatore për parashkollor, për lëndën e edukatës qytetare që 3 muaj, matematik që 4 muaj, pra të gjitha këto janë orë të humbura. Por drejtori i DKA-së kujdeset se si i ka ra mirë fasada e çerdhes e jo cilësia e arsimit. I nderuari drejtor nëse nuk ke

aftësi që të menaxhosh DKA-në mundesh të shkosh që ti mbash orët të cilët i ke në shkollën 12 maji në lëndën e fizikës, këto orë që 4 vite sillen sikurse topi i pimpongut dhe asnjëherë nuk hapë konkurse për lëndën e fizikës, por më e keqja e kësaj është se orët e fizikës i mbanë mësimeve të cilët janë para studimeve është shumë e dëmshme për ta. Kemi mësimeve që jep mësim në gjuhën angleze kurse ka të kryer gjuhën gjermane, drejtori është në gjendje me i sakrifikua të gjithë ata nxënës vetëm që ti ruaj orët e tij në mënyrë që kur nesër të mos jetë drejtor të kthehet aty si mësimeve. Poashtu në Malësin e Vogël ku orët e matematikës i mbanë mësimeve të cilët është me teknologji, drejtor nëse i ke borxhe ti këtij mësimeve mirë kishte me qenë që ti lashë në kurriz tëndin e jo me kurriz të nxënësve të malësisë ose të Ratkocit. Në këtë seancë i kam përmendur disa shkolla, kurse në seancën tjetër do ju japë informata për disa shkolla tjera. Paramendoni se çka ka ndodhur me konkursin ku janë kërkuar 3 edukatorë, publikohet lista e kandidateve të cilët kanë kaluar testin me shkrim, kurse në konkurse ceket që kandidati duhet të i ketë 59 pikë në mënyrë që të fitojë të drejtën për intervistë me gojë. Për çudi kandidatja e cila nuk e kalon testin me shkrim mbetet në listë të pritjes dhe e kalon testin me gojë, njësoj e kemi edhe një kandidate tjetër e cila është po në këtë listë. Por më keqja është se kemi kandidat të cilët nuk kanë ardhur në test me shkrim fare dhe dalin që janë në listë të pritjes,, janë duke u munduar që të imitojnë klanin Pronto që pa konkuru fare të i fusin njerëzit në punë, por si duket janë duke dështuar, ma shumë janë nëpër gjykata se sa në zyrat e DKA-së. I nderuari drejtor dua një përgjigje si ka mundësi që mësimeve të cilët punësohen me kontrata të përkohshme si zëvendësim të i kalohet në kontrata të rregullta pa i përfillur procedurat e konkursit.

Kryesuesi – ju faleminderit të gjithëve për pyetjet e parashtruara, tani fjalën e ka nënkryetari i komunës i cili do ju përgjigjet disa nga pyetjet e parashtruara.

Nënkryetari – Përshëndetje për të gjithë të pranishmit, do i përgjigjem pyetjes së z. Burim Krasniqit, kurse përgjigjet e tjera do i keni në mbledhjen e radhës. I nderuar e përmendet të apostrofuari z. Sadri Moina, ka qenë tek ne në takim, ne ja kemi ofruar mundësit ligjore, të nderuar i sapo përmenduri është e vërtetë që është bujk sikurse unë që jam bujk, jam i regjistruar me certifikatë si bujk por në këtë rast që ju jeni duke e cekur personi është tregtar, disa nga këta tregtar shesin mallin në pronë publike kurse qiranë e paguajnë aty personit që është përball, nuk e di a je i njohur me këtë i nderuar, ne të gjitha këto i kemi diskutuar. Prandaj nuk është mirë që të përdoret Sadria në këtë rast si bujk sepse në këtë rast problematike është se ai është si tregtar. Kur të bëhet koha e shitjes së produkteve tona bujqësore atëherë në këtë pjesë është tregu në Xërxe besoj se e dinë sepse je nga ky fshat. Sa i përket kontakteve me ministrin e bujqësisë, të gjitha shkresat ekzistojnë që ne kemi kërkuar takim me ministrin e bujqësisë dhe asnjëri nuk është përgjigjur, ministri i bujqësisë vjen në Rahovec dhe asnjëherë nuk vjen në komunë, komuna është institucion dhe duhet respektuar pavarësisht kush e udhëheq, qytetarët e komunës sonë përveç zgjedhjeve lokale votojnë edhe në zgjedhje qendrore poashtu edhe ministri ka marrë vota nga qytetarët e komunës sonë, prandaj ai e ka obligim ligjor që të takohet me ne sepse ne si person nuk na duhet fare që të takohemi, prandaj raporti komunë – ministri dhe anasjelltas duhet të jetë në rregull sepse jemi institucione. Prandaj ai duhet të pranojë kryetarin e komunës në takim sepse në fund të fundit ne diskutojmë për interesa të bujqve e jo për interesa private. Prandaj askush nuk ka nevojë ta luaj rolin e avokatit të ministrit të bujqësisë apo cilido ministër të kësaj qeverie sepse kryeministri dhe ministrat janë edhe të mitë sepse ata janë ligjërues aty me votat e qytetarëve dhe ne duhet që ti respektojmë.

Burim Krasniqi – Jam i vetëdijshëm për rolin tim që e kam në asamblenë komunale, nuk jam duke e luajtur rolin e avokatit të askujt dhe as të ministrit, por jam duke e luajtur rolin time si asamblistë, si do le të vlerësohet por këtë janë duke e vuajtur bujqit. Duhet të mësoni ta e respektoni rolin e asamblistit e jo në çdo mbledhje të thoni avokat, filozof etj.

Nënkryetari – Maksimum respekt për 31 kuvendar nga ana ime, është mandati i katërt i imë herë si kuvendar e herë si pjesë e ekzekutivit, asnjë kuvendar nuk e kam ofenduar deri në ditën e sotit në këtë orë që jemi me datë 05.05.2022.

Kryesuesi – Ju faleminderit të gjithëve për diskutimin e zhvilluar, po e përmbyllem këtë pikë, vazhdojmë në pikën e radhës:

3. Shqyrtimi dhe miratimi i Projekt Statutit të Qendrës Kryesore të Mjekësisë Familjare në Rahovec (QKMF).

Elbonit Kryeziu, Drejtor i QKMF-së – Përshëndetje për të gjithë të pranishmit, më lejoni që para jush të prezantoj statutin unik të QKMF-së i cili është përpiluar nga Ministria e Shëndetësisë dhe më pastaj ju është dërguar kuvendeve komunale për miratim. Qëllimi i statutit është përcaktimi i institucioneve të kujdesit parësor shëndetësor dhe standardeve të organizimit, funksionimit, veprimtarisë, shërbimeve shëndetësore dhe kuadrit profesional për ofrimin në shërbimit shëndetësor në kujdesin parësor shëndetësor si pjesë e sistemit unik shëndetësor në Republikën e Kosovës. Me statute rregullohen dispozitat e përgjithshme si emërtimi, selia, veprimtaria e QKMF-së, statusi juridik, përfaqësimi dhe prezantimi struktura e institucionit, udhëheqja dhe trupat e institucionit, zhvillimi i vazhdueshëm profesional, mbikëqyrja e QKMF-së, aktet e përgjithshme, pronësia, financimi, transparenca në punë, konfidenca profesionale dhe afariste. Pastaj organizimi sindikal, mbikëqyrja e brendshme, dispozitat kalimtare dhe përfundimtare lidhur me ushtrimin e veprimtarisë së kujdesit shëndetësor në QKMF. Organizimi i QKMF-së sipas këtij statuti të ri organizohet me këto njësi përbërëse, Departamenti i mjekësisë familjare i cili përbëhet si në vijim: Sektori i mjekësisë familjare, njësia e SISHIT, njësia e vaksinimit dhe imunizimit, sektori i shëndetit oral preventiv, sektori i kujdesit urgjent, sektori konsultativ dhe diagnostik, shërbimet konsultative, kabineti radiologjik dhe laborator. Departamenti i administratës në QKMF përbëhet si në vijim: Zyra e personelit, zyra juridike, zyra për buxhet dhe financa, zyra e prokurimit, zyra për shërbime teknike dhe barnatorja qendrore që është njësi organizative e QKMF-së e cila themelohet dhe funksionon sipas ligjeve dhe akteve ligjore që e rregullojnë veprimtarinë farmaceutike. Jeta e institucioneve shëndetësore sipas paragrafit 5 do të jetë objekti i revidimit periodik i cili do të ndërmerret nga kuvendi komunal Rahovec me pëlqim të ministrisë së shëndetësisë. Këshilli drejtues i QKMF-së do të ketë 7 anëtar, ku bëjnë pjesë: Drejtori i QKMF-së, udhëheqësi i departamentit të mjekësisë familjare, kryeinfermieri i QKMF-së, udhëheqësi i departamentit të administratës, koordinatori për ngritje të cilësisë dhe shërbimeve shëndetësore, përfaqësuesi i sindikatës në cilësinë e vëzhguesit, një e dhënë tjetër që është risi në nivel vendi ajo është se do të ketë përfaqësues nga këshilli i pacienteve, ne jemi njëra nga dy komunat e para në Republikën e Kosovës që jemi duke krijuar këshillin e pacienteve. Jemi të hapur që të gjitha ndryshimet të cilat mendoni se janë të nevojshme të bëhen në këtë statut mundeni të i drejtoni në DSHMS, ku pastaj DSHMS-ja i dërgon në Ministri të Shëndetësisë për aprovim.

Samir Mustafa – Përshëndetje për të gjithë të pranishmit, në material nuk e pashë askund që ky statut është dërguar në Ministrinë e Shëndetësisë për aprovim paraprak, sepse paraprakisht statuti duhet të merë aprovim nga Ministria e Shëndetësisë dhe vije në kuvend për miratim formalisht.

Burim Krasniqi – Nuk jam duke diskutuar statutin në pjesën profesionale sepse nuk jam mjekë, por gjatë leximit më ka rënë të shohë shumë mangësi të cilat nuk e bëjnë ri rregullimin e tij, e tha edhe drejtori se në QKMF ku funksionon materniteti është e domosdoshme gjinekologu, inhatologu dhe pediatri. Të njëjtën gjë e thotë edhe udhëzimi administrativ se në QKMF-të ku funksionojnë maternitetet është e domosdoshme të jenë gjinekologu nenhatologu ose pediatri, kjo nënkupton që udhëzimi ta ka lënë mundësinë. I nderuar në momentin që ti e ke funksional duhet të shkruar që funksionon njësia e maternitetit me këtë këtë, jo të jetë mundet por duhet. Edhe tek neni 7 ku ceket se specializant nga lëmit e tjera munden të vazhdojnë punën në KPSH, përsëri të njëjtën gjë e thotë edhe udhëzimi, pra të specifikohet se çfarë specialistë kemi dhe të lihet e drejta për të vazhduar punën. Tek mjeku familjar ceket që duhet të jetë i certifikuar për ofrimin e shërbimeve me ultrazë, nuk e di që oda e mjekëve e lëshon ndonjë certifikatë për shërbime të veçante me ultrazë, mjeku familjar ultrazërin e mëson nga studimet e kryera ose specializim. Tek neni 9 i statutit janë shërbimet që duhet të listohen, jo të jenë mundet por të thuhet funksionon ky dhe ky shërbim, pra të listohen cilat shërbime. Këshilli drejtues, udhëheqësit e departamentit të administratës, nuk e di që ka departament të administratës QKMF-ja, pra në këshillin drejtues duhet të jetë udhëheqësi i departamentit i cili nuk ekziston,

mendoj se ko është lëshim që duhet përmirësuar, përfaqësuesi i sindikatës e ceket së është në cilësinë e vëzhguesit, nëse është në cilësinë e vëzhguesit atëherë këshilli drejtues nuk i ka 7 anëtar por i ka 6 sepse vëzhguesi nuk voton. Neni 13 pika 4 QKMF-të që kanë një personal mbi 100 të punësuar kanë deh zëvendës drejtorin, nuk ka nevojë të ceket në statut sepse ceket në udhëzim. Në projekt statut nuk potencohet se sa është mandati i drejtorit dhe zëvendës drejtorit, nuk potencohet se cilat janë detyrat që duhet të kryej zëvendës drejtori, pra ka mangësi të llojit të vetë. Tek çështja e zhvillimit profesional avancimi i vazhdueshëm me qenë proporcional për të gjithë mjekët që luajnë rolin e vetë qoftë mjekë ose infermier. Ju jeni thurur në një strategji SSSH 2017/2021, tani jemi në vitin 2022, pse duhet të ketë zyre të prokurimit QKMF-ja, ose është bërë sa për të punësuar dike, sa ka investime QKMF-ja në Rahovec, pse duhet të ketë një zyrtar të prokurimit kur këto munden të kryhen përmes zyrës së prokurimit që ekziston në komunë të Rahovecit. Në fund potencohet që duhet të mirët pëlqimi i Ministrisë së Shëndetësisë, pra pas dhënies së pëlqimit nga Ministria e Shëndetësisë pastaj bëhet aprovimi nga kuvendi komunal, në fund të shkresës së këtij statuti nuk jam duke parë që Ministria e Shëndetësisë ka kthyer ndonjë përgjigje rreth këtij projekt statuti, pra ne nëse e votojmë sot bëjmë shkelje në hapa. Propozoj që kjo pikë të shtyhet për një seancë të radhës, të bëhen këto plotësime të vije përgjigje nga MSH dhe pastaj të vije në kuvend.

Samir Mustafa – Të nderuar ky statut është unik dhe e dërgon Qeveria e Republikës së Kosovës, konsultimi publik është mbajtur diku me 28 korrik 2021, por ky statut që ne sot e kemi nuk ka marrë pëlqimin e MSH, pasi të vije pëlqimi nga MSH pastaj në kuvend miratohet formalisht. Propozoj sponsorizuesin e kësaj pika që të tërheq këtë pikë të rendit të ditës sepse nëse e votojmë sot bëjmë shkelje procedurale.

Nënkryetari – Pajtohem me parafolësit në mënyrë që mos të krijojmë huti dhe shkelje ligjore me votim të këtij statuti, meqenëse me qarkore të vitit 2021 kërkohet edhe pëlqimi paraprak nga ministria, ndodhin këto gabime edhe ne jemi njerëz dhe jemi të gabueshëm, propozoj që kjo pikë të tërhiqet nga rendi i ditës.

Kryesuesi – Meqenëse ekzekutivi është propozues i kësaj pika, nënkryetari kërkoj që kjo pikë të hiqet nga rendi i ditës poashtu besoj se pajtohem të gjithë me këtë propozim dhe me këtë po e përmbylлим diskutimin sa i përket kësaj pike. Kalojmë në pikën e radhës:

4. Shqyrtimi dhe miratimi i Projekt Planit Komunal për Integritet 2022-2026.

Arben Gashi – Përshëndetje për të gjithë të pranishmit, Plani për integritet 2022-2026 është një plan unik i cili na është dërguar të gjitha komunave të republikës së Kosovës nga MAPL-ja, ku si kërkesë është dalë nga raporti i komisionit evropian për hartimin e këtij plani. Kryetari i komunës pas pranimit të këtij plani ka themeluar grupin punues në përbërje prej 18 anëtarë, më pastaj ky plan ka dalë edhe në konsultim publik nga data 02.02.2022 deri me 04.03.2022, poashtu edhe konsultimi publik me qytetarë është mbajtur në sallën e kuvendit me 16.02.2022. Ky planë është një dokument strategjik dhe operativ i cili konsiderohet si një mjet i rëndësishëm për fuqizimin e integritetit institucional, ky planë kupton respektimin e vlerave morale, standardet profesionale dhe rregullat e zbatueshme të normativit. Qëllimi i këtij plani është ndërtimi i një administrate profesionale të modernizuar dhe të qëndrueshëm dhe ofrimin e shërbimeve sa më cilësore për të gjithë qytetarët. Ky planë është i harmonizuar me strategjinë kundër korrupsionit dhe planin e veprimit kundër korrupsionit, ky planë poashtu përbëhet nga dy elemente kryesore, elementi i parë është regjistrimi i rrezeve të identifikuar dhe të vlerësuar për të gjitha fushat e funksionimit të një komune dhe elementi i dytë është përcaktimi i masave për përmirësimin e integritetit i cili përshkruan në detaje të gjitha masat që duhet zbatuar për zvogëlimin e rrezeve të integritetit si dhe afati kohorë përkatës dhe përgjegjësit organizativ për zbatimin e këtyre masave. Për më shumë nëse keni ndonjë pyetje jam këtu për të ju përgjigjur.

Kryesuesi – A keni ndonjë pyetje ose ndonjë vërejtje sa i përket këtij plani, nëse jo atëherë po e hedhë në votim Projekt Planit Komunal për Integritet 2022-2026: Konstatoj se me 29 vota për asnjë kundër dhe asnjë abstenim është aprovuar pika e katërt e rendit të ditës. Kalojmë në pikën e radhës:

5. Shqyrtimi i Raportit financiar janar – mars 2022;

Afrim Limani – Përshëndetej për të gjithë të pranishmit, ky raport përbehet prej dy pjesëve kryesore, pjesa e të hyrave dhe pjesa e shpenzimit të buxhetit. Në këtë raport nuk kanë qenë të përfshirë aktivitetet nga zyra e prokurimit sepse gjatë kësaj periudhe nuk ka pasur ndonjë aktivitet. Të hyrat në këtë periudhë tre mujore në total kanë qenë 255,331.00 €, nëse e bëjmë një krahasim me 3 mujorin e vitit të kaluar na dele që kemi një ndryshim negativ ose më pak në këtë vite në shumën prej 26,155.00 €. Poashtu edhe gjrobat e gjykatave nuk janë të përfshira sepse pas përpilimit të raportit kanë ardhur gjrobat e gjykatave, por në raportin 6 mujorë do të përfshihen. Sa i përket planifikimit dhe realizimit të tatimit në pronë është një ndryshim negativ prej 47,000.00 € kjo si pasojë e vendimit të qeverisë së republikës së Kosovës, që mos të kufizohen për të paguar tatimin në pronë në kohën kur e regjistrojnë makinat. Sa i përket shpenzimit të buxhetit sipas kategorive ekonomike në kuadër të programeve, përqindja e shpenzimit të buxhetit për këtë periudhë është 23.48 % ose në vlerën prej 3,565,554.04 €, pra ne sa i përket shpenzimit të buxhetit qëndrojmë mirë.

Bejtullah Deliu – I nderuari drejtor nëse ju kujtohet në seancën e parë gjatë prezantimit të plan programit për buxhet për vitin 2022, pata potencuar edhe atëherë që me vendimin e kryeministrit që heqja obligative për regjistrim të makinave dhe veprimtarive tjera për pagesën e taksave ose tatimit në pronë, ku kam ceku se komuna do të ketë vështirësi në inkasim të të hyrave. Poashtu me këtë disa qytetarë edhe ngarkohen sepse ata që nuk janë të saktë në pagesë kanë rritje në përqindja pra kamatë, nëse flasim sa i përket përvojës që kemi pasur unë si përgjegjësi i Post Telekomit, ku kemi bërë shpërndarjen e faturave për tatimin në pronë dhe vetëm në këtë fazë është një iniciativë e qytetarëve që të bëjnë pagesat por më vonë edhe ko iniciativë zbehet. Pyetja ime për ju është: a është menduar nga komunë ose nga ju ndonjë plan strategjik i cili jo vetëm që do të krijonte të hyrat në komunë, por poashtu edhe mos të dëmtohen qytetarët nga mos pagesa. Mbetem moralisht obligues që të ja japë një përgjigje Leonard Morinës, i nderuar nuk e di se sa je në dijeni por në OSHP mbi 1 vit nuk është duke funksionuar asnjë tender dhe kjo si pasojë e keq qeverisjes që e keni proklamuar se që 20 vite hajni. Prandaj e keni shansin që të tregoni veten në qendër dhe ju nuk jeni duke e treguar, në OSHP nëse ju kujtohet përgjigja e kryeministrit tonë e posaçërisht i juaji është që 2 zyrtarët që i ka marrë në organin shqyrtues vetëm me telefon i ka thirr që të vinë, dallimi është vetëm pronto nuk i ka thënë, përgjigja e tije ka qenë keni me pa ju se këta janë më profesionistë se ata që kanë qenë deri tani.

Afrim Limani – I nderuari. Deliu keni bërë pyetje me vend, në momentin kur e ka nxjerrë kryeministri këtë vendim kemi marrë një rekomandim nga Ministria e Financave se tani e tutje obligimin për inkasim të të hyrave do ta kenë ata përmes Administratës Tatimore të Kosovës, jemi në proces dhe jemi duke pritur. Nëse ata nuk veprojnë ne jemi të detyruar që lëndët e qytetarëve të i dërgojmë tek përmbaruesi edhe pse kosto por borxhet në tatim në pronë janë shumë të mëdha mbi 1,200,000.00 €. Pres që edhe ju si kuvendar të jepni kontributin tuaj në këtë drejtim që qytetarët të bëjnë pagesat e tatimit në pronë.

Leonard Morina – Jam duke parë që tek taksat e legalizimit të objekteve janë planifikuar rreth 38,500.00 € kurse janë realizuar rreth 1,793.00 €, njëjtë kemi edhe në bujqësi ku si totalë i keni planifikuar rreth 1,350,000.00 €, kurse realizimi është bërë rreth 255,000.00 €, pra një vlerë shumë e ulët. I nderuari drejtor tek zyra e kryetarit janë rreth 41,554.86 €, pyetja ime është a ka mundësi të ndahen mëditjet nga paga apo duhet të shkojnë bashkë, kishte me qenë mirë të dihet se sa janë mëditjet dhe sa janë pagat.

Afrim Limani – Në bazë të analizave tona si Drejtori e Financave në këtë tre mujorin e parë të vitit 2022 në raport me planifikimin trendi është duke shkuar mirë, shpresoj dhe besoj se në fund të vitit do të arrihet përqindja e planifikuar, i nderuar ky është 3 mujori i parë dhe realizimi është për 3 mujorin e parë. Sa i përket taksës së ulët për legalizim, të ju them të drejtën nuk ka pasur edhe pse ne e kemi bërë një planifikim të mirë, por qytetarët nuk janë duke ardhur të bëjnë legalizimin e pronës. I nderuar në kuadër të zyrës së kryetarit janë edhe disa sektorë tjera e jo vetëm stafi i kryetarit, janë zyra ligjore, sektori i auditimit të brendshëm, zyra e prokurimit dhe zyra e personelit.

Burim Krasniqi – I nderuari drejtor gjrobat nga gjykata dhe gjrobat nga trafiku janë zero, nuk e di a j vinë më vonë apo si qëndron puna, tek të hyrat e tatimit në pronë po e citoj: Numri i objekteve të reja është 90, numri i faturave të shpërndara është 15109 fatura, që do të thotë se 1189 fatura janë më shumë se sa objektet e reja, kjo nënkupton se këto tjera janë objekte pa leje që janë ndërtuar në periudhën 3 mujore në komunën

Rahovecit. E ka shpreh një shqetësim kuvendari z. Sinan Kryeziu sa i përket çështjes së avokatit, keni thënë se është vetëm 20.00 € një ankesë por i nderuari drejtor në raport po del që shërbimet përfaqësimit dhe avokaturës për 3 mujorin e parët të vitit 2022 vetëm zyra e kryetarit ka paguar 6,033.00 €. Tek shpenzimet e vendimeve të gjykatave e kemi tek zyra e kryetarit dhe administrata 2,436.00 €, pra përveç që e kemi paguar avokatin ne kemi paguar edhe shumë tjera të shpenzimit të gjykatave, por sa është gjoba që e ka pësuar komuna nga këto nuk e di. Tek shërbimet publike kemi shërbimet e përfaqësimit dhe avokaturës 1,920.00 €, poashtu përsëri kemi edhe 17,984.00 € shpenzime dhe vendimet e gjykatave, pra avokati mjete është duke marr por edhe komuna po paguan gjoba. Drejtor nuk e di se kur i kanë tërhequr mjekët 80,000.00 € por në këtë raport nuk është duke figuruar, e di që i kanë marrë ato mjete përmes përmbaruesit, mirë kishte me qenë të ishin paraqitur në këtë raport, ka edhe disa gjëra tjera por nuk dua ta zgjasë më shumë, vetëm desha ta rikujtoj drejtor që na ke premtuar që në muajin shkurtë do na vije një raport mbi borxhet dhe obligimet që i ka komuna e Rahovecit, por deri më sot ky raport nuk na ka ardhur, kërkoj nga ti që të na vije ky raport sepse kur të vije rishikimi i buxhetit kjo informatë shumë do na kishte ndihmuar.

Afrim Limani – Sa i përket të hyrave nga gjobat e gjykatave dhe gjobat e trafikut e dhashë në fillim sqarimin pas dorëzimit të raportit për tek ju, mua më ka ardhur raporti i gjobave të gjykatave dhe të trafikut, pra raporti ka ardhur me vonesë, por kjo do të figurojë në raportin 6 mujorë. Sa përket tatimit në pronë numri 90 është numri i objekteve të reja që i kemi regjistruar, kurse verifikimi i objekteve në raport me vitin e kaluar ka qenë i mirë pra vitin e kaluar ka qenë 136, kurse tani është 717. Sa i përket shpenzimeve të avokaturës, ne tani kemi një operator, kurse sa i përket shpenzimeve të gjykatave janë lëndë përmbarimore, kryesisht për investime kapitale, ka pasur operator që e ka dërguar lëndën tek thesari ose përmbaruesi dhe janë krijuar këto shpenzime. Sa i përket asaj që e kam premtuar po ju them se sinqeritetin e kam dhe kam me pas në maksimum për ju, kam premtuar se kur të bëhet publikimi i raportit vjetor në veb faqe të komunës do të jetë i korrigjuar sepse ka pasur disa gabime teknike ku ju më keni kërkuar që ti përmirësoj, për këtë ju falënderoj. Kam premtuar që në atë raport do të jenë të gjitha obligimet kontraktuale dhe financiare të komunës.

Kryesuesi – Të nderuar kuvendar/e, tani po e bëjmë një pausë deri në orën 13:30, pastaj kthehemi dhe e vazhdojmë seancën me pikat e mbetura të rendit të ditës. T; nderuar/a kalojmë në pikën e radhës:

6. Shqyrtimi dhe miratimi i propozim vendimit për formimin e komisionit për emërtimin dhe riemërtimin e rrugëve, rrugicave, parqeve, shesheve, lagjeve në komunën e Rahovecit.

Albnor Mullabazi – Përshëndetje për të gjithë të pranishmit, në mbështetje të ligjit për vetëqeverisje lokale, ligjit për sistemimin e adresave dhe statutit të komunës, para jush keni propozim vendimin e kryetarit të komunës për formimin e komisionit për emërtimin dhe riemërtimin e rrugëve, rrugicave, parqeve, shesheve, lagjeve në komunën e Rahovecit. Ky komision do të përbëhet nga 5 anëtar, 3 anëtar do të jenë nga kuvendi dhe 2 anëtar nga ekzekutivi.

Kryesuesi – Të nderuar tani do të vazhdojmë me propozimet nga grupet e kuvendarëve, do të veprojmë ashtu siç e kemi bërë praktik pas çdo propozimi do të hedhim në votim edhe emrin e propozuar.

Besmire Bytyqi – Përshëndetje për të gjithë të pranishmit në sallë, ne si grupe i AAK-së propozojmë arkitektin Arbër Zenuni, konsideroj se do ti shërbej përvoja e tij këtij komisioni.

Kryesuesi – E vendos në votim propozimin e grupit të AAK-së, me 18 vota për dhe 10 abstenime është votuar Arbër Zenuni që të jetë anëtar i këtij komisioni. Vazhdojmë me propozimin e grupit të VV-së.

Leonard Morina – Ne si grupe i VV-së propozojmë z. Ilir Pallqa.

Kryesuesi – E qes në votim emrin e Ilir Pallqes, 9 vota për, 12 vota kundër dhe 5 abstenime, emri i propozuar nga VV-ka nuk kalon. Kalojmë tek propozimi i LDK-së.

Lirigzon Kastrati – Përshëndetje për të gjithë, ne si grupe i LDK-së propozojmë z. Eqrem Saphiu.

Kryesuesi – E qesim në votim emrin e propozuar nga LDK-ja, me 20 pro dhe 7 abstenime është votuar emrin grupit të LDK-së. Kalojmë tek propozimi i PDK-së.

Bejtullah Deliu – Ne si grupe i PDK-së, propozojmë z. Armir Vuçitërna.

Kryesuesi – E qes në votim emrin e propozuar nga PDK-ja, me 23 vota për dhe 5 abstenime është votuar emri i propozuar nga PDK-ja. Pra Arber Zenuni, Eqrem Spahiu dhe Armir Vuçitërna janë anëtar të këtij komisioni të votuar nga ky kuvend, anëtarët e tjerë do të emërohen nga ekzekutivi. Teni po e vendosi për miratim pikën e rendit të ditës me këto 3 emra të propozuar: Konstatohet se në mënyrë unanime është aprovuar pika e 6 e rendit të ditës Kalojmë në pikën e radhës:

7. Shqyrtimi dhe miratimi i propozim vendimit për formimin e komisionit për shqyrtimin e ankesave për emërtimin dhe riemërtimin e rrugëve, rrugicave, parqeve, shesheve, lagjeve, në komunën e Rahovecit.

Albnor Mullabazi – Në mbështetje të ligjit për vetëqeverisje lokale, ligjit për sistemimin e adresave dhe statutit të komunës, para jush keni propozimin e kryetarit të komunës për formimin e komisionit për shqyrtimin e ankesave për emërtimin dhe riemërtimin e rrugëve, rrugicave, parqeve, shesheve, lagjeve, në komunën e Rahovecit. Edhe ky komision do të përbëhet njëjtë sikurse komisioni që e patëm më parë 3 nga kuvendi dhe 2 nga ekzekutivi.

Kryesuesi – Të nderuar vazhdojmë edhe për këtë komision njëjtë sikurse për komisionin që e patëm më parë, po ja fillojmë me grupin e AAK-së:

Besmire Bytyqi – Ne si grupe i AAK-së propozojmë znj. Shukrije Himaj.

Kryesuesi – E qes në votim propozimin e grupit të AAK-së, me 13 vota për, 3 kundër dhe 10 abstenime, është votuar propozimi i AAK-së. Kalojmë tek grupi i VV-së.

Leonard Morina – Ne si grup i VV-së propozojmë z. Ilir Pallqa.

Kryesuesi – E qesim në votim propozimin e VV-së, 13 vota për, 1 kundër dhe 8 abstenime është votuar propozimi i VV-së. Kalojmë tek propozimi i LDK-së.

Lirigzon Kastrati – Ne si grupe i LDK-së propozojmë juristen Edona Kryeziu.

Kryesuesi – E qes në votim propozimin e LDK-së, me 18 vota për, 1 kundër dhe 5 abstenime është votuar propozimi i LDK-së. Pra emrat e anëtarëve të këtij komisioni janë: Shukrije Himaj, Ilir Pallqa, Edona Kryeziu, tani i qes në votim pikën e 6 të rendit të ditës: Konstatohet se në mënyrë unanime është aprovuar pika e 7 e rendit të ditës, kalojmë tek pika e 8:

8. Shqyrtimi dhe miratimi i propozim vendimit për dhënien në shfrytëzim afatshkurtër të pronave Komunale për bujqësi.

Afrim Oruçi – Përshëndetje për të gjithë të pranishmit, para jush keni propozimin vendimin sipas ligjit dhe akteve të tjera nënligjore për dhënien në shfrytëzim afatshkurtër të parcelave komunale për 15 vite, këtu bëhet fjalë për 7 parcela të cilët janë në një vendim të përbashkët, këtu kemi të bëjmë për parcelën P-00054-0 në Hoçë të Madhe, në sipërfaqe prej 2 ari e 56 m². Poashtu parcelën 265-0, gjithashtu edhe kjo në Hoçë të Madhe në sipërfaqe prej 8 ari e 55 m², të gjitha këto prona janë prona komunale, pastaj P-00498-0 në zonën kadastrale Xërxe në sipërfaqe të përgjithshme 4487 m², pronë e komunës së Rahovecit. Parcela - 02909-0, në zënën kadastrale Rahovec, me një sipërfaqe të përgjithshme prej 4510 m², pronë e komunës. Parcela - 03015-0 në zënën kadastrale Rahovec në sipërfaqe të përgjithshme prej 290m², pronë e komunës. Pastaj Parcela - 03016-0 në zënën kadastrale Rahovec, në sipërfaqe të përgjithshme prej 650m² poashtu pronë e komunës. Parcela 00251-0 në zënën kadastrale Çifllak, në sipërfaqe të përgjithshme prej 114230m², në shfrytëzim jepet vetëm pjesa e parcelës në sipërfaqe prej 100000m², pronë e komunës. propozojmë para jush që të merret një vendim që të jepen të gjitha këto prona me qira në bazë të ligjeve dhe akteve të tjera në fuqi për periudhë prej 15 viteve. Të gjitha këto parcela destinimi e kanë të njëjtë bujqësinë, këto parcela do të jepen përmes ankandit publik. Ftojë anëtarët e kuvendit që të votojnë propozim vendimin të cilin ju prezantova.

Burim Krasniqi – Kërkoj që tek pika 1 të kate një plotësim, aty ku ceket për dhënie të pronës në shfrytëzim të shtohet edhe fjalia për bujqësi, në mënyrë që të kemi të qartë që jemi duke votuar pronat që jepen për bujqësi.

Kryesuesi – I nderuar besoj se ky propozim do të merret parasysh nga drejtoria përkatëse. Nëse nuk ka askush të shtoj diçka atëherë po e vendosi në votim pikën e 8 të rendit të ditës: Konstatohet se me 25 vota për asnjë kundër dhe 2 abstenime është votuar pika e 8 e rendit të ditës, kalojmë tek pika e radhës:

9. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P- 00054-0, 00265-0, 00498-0, 02909-0, 03015-0, 03016-0, 00251-0.

Afrim Oruçi – Të nderuar para jush e keni propozim vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P- 00054-0, 00265-0, 00498-0, 02909-0, 03015-0, 03016-0, 00251-0. Pra ne sa herë që sjellim propozime për dhënie të pronës në shfrytëzim duhet të krijohet edhe këto komisione. Komisione sipas pikës 1 të këtij vendimi përbëhen prej 5 anëtarëve, 2 anëtar nga kuvendi, 2 anëtar i propozon ekzekutivi dhe një anëtar vije nga sektori joqeveritar.

Kryesuesi – Po fillojmë që të marrim emrat e anëtarëve të kuvendit, ftojë grupin e AAK-së që të propozoj emrin e anëtarit.

Besmira Bytyqi – Ne si grupe i AAK-së propozojmë z. Feriz Thaqi.

Kryesuesi – E qes në votim emrin e propozuar nga AAK-ja, konstatohet se 14 pro, asnjë kundër dhe 12 abstenime është votuar emri i propozuar nga AAK-ja. Fjalën e kanë grupi i VV-së.

Leonard Morina – Ne si grupe i VV-së propozojmë z. Sinan Kryeziu.

Kryesuesi – E qes në votim emrin e propozuar nga VV-ja, konstatohet se me 25 vota për, dhe 2 abstenime është votuar emri i propozuar nga VV-ja. Fjalën e kanë grupi i LDK-së.

Lirigzon Kastrati – Ne si grupe i LDK-së nuk kemi emër për këtë komision.

Bejtullah Deliu – Ne si grupe i PKD-së propozojmë znj. Melinda Iska.

Kryesuesi – E qes në votim emrin e propozuar nga radhët e PDK-së, me 25 vota për asnjë kundër dhe 2 abstenime është votuar emri i propozuar nga PDK-së. Anëtarët e këtij komisioni që janë votuar nga kuvendi janë Sinan Kryeziu dhe Melinda Iska, e qes në votim tani pikën 9 të rendit të ditës me këto 2 emra, kurse emrat nga ekzekutivi dhe sektori joqeveritar do të vinë më vonë. Konstatohet se në mënyrë unanime është aprovuar pika e 9 e rendit të ditës. Kalojmë në pikën e radhës:

10. Shqyrtimi dhe miratimi i propozim vendimit për dhënien në shfrytëzim afatshkurtër të pronës komunale për blegtori.

Afrim Oruçi – Të nderuar anëtar të kuvendit para jush keni propozim vendimit për dhënien në shfrytëzim afatshkurtër të pronës komunale për blegtori, kërkesa është në shfrytëzim të personave fizik dhe juridik dhe zhvillimin e procedurave për ankandin publik për dhënien në shfrytëzim afatshkurtër prej 15 vite, pronat e cekur në pikën 1 të këtij propozim vendimi janë në zonën kadastrale Rahovec në vendin e quajtur Ravne Shume, me kulturë kulosë. Sipërfaqja e përgjithshme e kësaj parcele është 15000m², pronë e komunës. qëllimi i dhënien është blegtorja. Kurse parcela e dytë është në zonën kadastrale në Çifllak, me një sipërfaqe të përgjithshme prej 91939m², ne kërkojmë nga ju që të na mundësoni që nga kjo sipërfaqe të marrim në shfrytëzim 12000m², prona është e komunës së Rahovecit, qëllimi i dhënies edhe i kësaj prone është i njëjtë për blegtori. Ftoj anëtarët e kuvendit që ta përkrahin këtë propozim vendim në një afat prej 15 vite.

Kryesuesi – E qes në votim pikën e 10 të rendit të ditës, konstatohet se me 26 vota për asnjë kundër dhe 2 abstenime është votuar pika e 10 e rendit të ditës. Kalojmë në pikën e radhës.

11. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P- 02302-0 dhe P- 00250-0.

Afrim Oruçi – Të nderuar kuvendar para jush e keni propozim vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P- 02302-0 dhe P-00250-0. Edhe ky komision përbëhet nga 2 anëtar të kuvendit, 2 anëtar nga ekzekutivi dhe 1 anëtar nga sektori joqeveritar.

Kryesuesi – Të nderuar edhe ky propozim vendim ka të bëjë me formimin e komisionit, atëherë po ja fillojmë përsëri me propozimet e emrave, fillojmë me grupin e AAK-së.

Besmire Bytyqi – Propozojmë z. Feriz Thaqi.

Kryesuesi – E qes në votim propozimin e grupit të AAK-së, konstatoj se me 14 vota për, asnjë kundër dhe 12 abstenime është votuar propozimi i AAK-së. Ftojë grupin e VV-së që të propozoj një emër.

Leonard Morina – Ne si grupe i VV-së nuk kemi emër për këtë komision.

Eqrem Spahiu – Ne grupi i LDK-së propozojmë Lirigzon Kastratin.

Kryesuesi – E qes në votim emrin e propozuar nga LDK-ja, Konstatoj se me 18 vota për, asnjë kundër dhe 5 abstenime është votuar emri i propozuar nga LDK-ja. Forj PDK-në që ta jep një emër për këtë komision.

Bejtullah Deliu – Ne si grupe i PDK-së propozojmë Sejfullah Sejfullahun.

Kryesuesi – E qes në votim propozimin e PDK-së, konstatoj se 19 vota për asnjë kundër dhe 5 abstenime është votuar emri i propozuar nga PDK-ja. Pra të nderuar 2 emrat e votuar nga ana e kuvendit prë këtë komision janë Lirigzon Kastrati dhe Sejfullah Sejfullahu. E qes në votim pikën e 11 të rendit të ditës: Konstatoj se në mënyrë unanime është aprovuar pika e 11 e rendit të ditës.

Merisa Sharku – Të nderuar kam një pyetje rreth komisioneve, ju e thatë që 2 vinë nga kuvendit, 2 nga ekzekutivi dhe 1 nga organizatat joqeveritare, pyetje ime është kush e cakton këtë nga organizata joqeveritare. Ne gjithmonë e kemi ditur se kush janë anëtar të komisionit nga kuvendi kurse nga ekzekutivi dhe organizatës joqeveritare nuk e kemi ditur se kush janë.

Afrim Oruçi – Në praktikat e kaluara kur janë formuar këto komisione gjithmonë organizatat joqeveritare njoftohen nga komuna, komuna e Rahovecit ka më shumë se 1 organizatë joqeveritare, pastaj ata delegojnë përfaqësuesit t tyre dhe ne si ekzekutiv kujdesemi që jo gjithmonë në komisione të jenë personat e njëjtë ose organizatat e njëjta, mundohemi që të jenë me rotacione, pastaj me vendim njoftohet edhe komisioni për emrin e personit të deleguar nga organizata, pra ata caktohen nga kryetari i komunës.

12. Shqyrtimi dhe miratimi i propozim vendimit për shpalljen me interesi të përgjithshëm publik parcelën P-71510033-00527-1 në Zonën Kadastrale Xërxë.

E ftojme drejtorin përkatës për prezantimin e kësaj pike

Afrim Oruçi – Faleminderit kryesues, une jam drejtori përkatës, të nderuar anëtarë të kuvendit para jush kemi vendimin për shpalljen me interes të përgjithshëm publik të parcelës nr.527-1, bëhet fjalë për zonë kadastrale në Xërxë, me 11 ari e 43m katror, ne vendin e quajtur Luga, e evidentuar si pronësi shtetërore e Kosovës KK Rahovec-shfrytëzues NBI. Aktualisht me këtë parcelë menaxhon agjencioni kosovarë i privatizimit (AKP). Qëllimi i shpalljes së interesit të përgjithshëm publik të kësaj parcele në pikën 1 të këtij vendimi është ndërtimi i një objekti-depo për magazinimin e produkteve bujqësore.

Drejtorja për kadastër dhe gjeodezi pas vendimit të kuvendit do të kujdeset që të vazhdoj procedura dhe të zbatoj dokumentacionin e nevojshëm për regjistrimin në librat kadastral. Ftoj anëtarët e kuvendit që të votojnë propozim vendimin për shpalljen me interes të përgjithshëm të kësaj parcele.Faleminderit.

Kryesuesi – Faleminderit drejtor, diskutimi është i hapur për këtë qështje, Burim Krasniqi e ka fjalën.

Burim Krasniqi – Meqenëse është në Xërxë, tash po shprehi pak lokalizëm, pika 2 e kufizon mundësinë e qfarëdo aktiviteti tjetër përpos depos për magazinimin e produkteve bujqësore. A ekziston orientimi se kujt do ti jepet në shfrytëzim? Apo është vetëm vullnet i komunës, nëse është kjo e fundit, unë kërkoj që pika nr.2 të hiqet, të shpallet vetëm interes të përgjithshëm, nuk jam për tjetërsim por nuk kam dëshirë që kjo t'i takoj një individ, kërkoj mirekuptimin e asamblesë komunale të kaloj, por pa pikën 2, të shpallet në interes të përgjithshëm, për natyrën se për çka jepet në shfrytëzim, mund të vertetohet gjatë procedurave tenderuese, shikohen ofertat cila e ka destinimin më të mirë, çka ofron kjo zonë edhe qartësohen punët.

Sinan Kryeziu – Faleminderit kryesues, jam në të njëjtën linjë me Burim Krasniqin, për shkak se edhe une jam nga fshati Xërxë. E kemi një model të keq aty te Elkosi, është favorizuar një oligark për grumbullimin e pemëve dhe perimeve dhe që nuk mirret hiç me bujqit aty dhe për këtë arsye edhe unë jam kundër këtij fenomeni, dhe jam pro heqjes së paragrafit aty ku është “depo për grumbullimin e pemëve dhe perimeve”. Faleminderit shumë.

Afrim Oruqi – Faleminderit kryesues, në pyetjen e kuvendarëve Burim Krasniqi dhe Sinanit, mas paku kemi të drejtë të lëshojmë prona me qera që menaxhohen nga AKP, nuk ka kërkesë konkrete prej askujt dhe ne nuk kemi të drejtë t'ia japim askujt këtë pronë me qera. E tëra që po bëjmë është që po kalojmë në një rrugë që parashihet me ligj, fillimisht po i shpallim me interes të përgjithshëm për arsye që është nën menaxhim të AKP-së. Qëllimin duhet ta kemi të precizuar patjetër, pas vendimit të kuvendit po përgatitemi ta dërgojmë te bordi i AKP-së e më pas në qeverinë e Kosovës të na e kthej pronësinë. Qëllimi na duhet patjetër duke u bazuar në praktikën e mëhershme, në mandatin e kaluar në AKP ne kemi procedurë kërkesa për disa parcela, pa qëllim. Përgjigja e tyre ishte refuzuese, me rekomandim që duhet të tregojmë arsyen se për qfarë na duhet, shkollë, depo etj...Pra duhet patjetër qëllimi, qoftë edhe i modifikuar, pa qëllim nuk ka përgjigje pozitive nga bordi i AKP-së dhe nga qeveria e Kosovës.

Sinan Kryeziu – Meqë drejtori i arsyeve procedurat ligjore, ne si grup i VV-së jemi Pro.

Kryesuesi – Nëse nuk ka ndonjë gjë tjetër rreth këtij diskutimi, atëherë po e vendosim në votim!

Kush është PËR? Me shumicë votash aprovohet pika e 12 e rendit të ditës, kalojmë te pika e 13-të:

13. Shqyrtimi dhe miratimi i propozim-vendimit për shpalljen me interes të përgjithshëm publik parcelën P-71510033-00527-2 në Zonën Kadastrale –Xërxë.

Afrim Oruqi – Faleminderit kryesues, këtu bëhet fjalë për parcelën që është pronë shtetërore e Kosovës, nën menaxhim të AKP-së, është në kufi me parcelën që biseduam më herët, këto dy parcela janë përballë M-Sillosit, sipërfaqja e kësaj parcele është 5 ari e 3 metra katror, e gjatë e ngushtë. Prej komunitetit aty është shfrytëzuar si rrugë, kurse me kadastrë nuk është rrugë. Këtu kemi pas telashe pronësore prej njerëzve që kanë pasur pretendime për blerje prej agjencioneve në fjalë në mënyrë të padrejtë, ne kemi ndërhy dhe kërkojmë prej juve për shpallje në interes të përgjithshëm.

Kryesuesi – Nëse nuk kemi ndonjë diskutim, atëherë po e vendosim në votim pikën e 13-të të rendit të ditës, shqyrtimi dhe miratimi i propozim-vendimit për shpalljen me interes të përgjithshëm publik parcelën në fjalë, kush është PËR? Me shumicë votash aprovohet edhe pika e 13-të e rendit të ditës, para se të kalojmë në pikën tjetër, pauzojmë 5 minuta ...

14. shqyrtimi dhe miratimi i vendimit për vazhdimin e kontratës për dhënie në shfrytëzim afatgjatë të pronës së paluajtshme të komunës;

Mirsad Shala – Faleminderit kryesues, i nderuar nënkryetar, drejtorë, asambleistë. Komuna e Rahovecit, respektivisht përfaqësuesi i ministrisë së zhvillimit të shkencës dhe kulturës në Rahovec (e ashtu quajtur në atë kohë) Esat Haxhijaha, e ka dhënë në shfrytëzim pronën e paluajtshme të komunës në sipërfaqe prej 500m në katror, organizatës “Shulfer helfenen liben” e që është Qendra Rinore në Rahovec. Këtë pronë drejtori i drejtorisë e ka dhënë për shfrytëzim me kontratë prej datës 01.01.2001 - 31.12.2021, duke u bazuar në ligjin dhe rregulloren për dhënie në shfrytëzim të pronës së paluajtshme të komunës, pas përfundimit të afatit të dhënies së pronës në shfrytëzim (neni 28), kuvendi mund të vazhdojë afatin e shfrytëzimit në bazë të performancës: përmbushja e kontratës, vlera e investimit, përputhshmëria me planet hapësinore etj...Pika 2 e këtij neni thotë; se pas vlerësimit të performancës, bazuar në raportin e kryetarit të komunës, kuvendi i komunës merr vendim për vazhdimin apo mosvazhdimin e shfrytëzimit të pronës së paluajtshme të komunës për një periudhë tjetër kohore të njëjtë. Prandaj kuvendi i komunës në mbledhjen e kaluar ka marrë vendim, për themelimin e komisionit për vlerësimin e performancës së kësaj kontrate, ky komision në tri takimet e mbajtura ka qenë në vend të ngjarjes të organizata SHL Kosova dhe ka marrë të gjitha informacionet e nevojshme për vazhdimin e kësaj kontrate, andaj duke u bazuar në këtë ligj dhe në këtë rregullore, ju ftoj që të vazhdojmë kontratën e dhënies në shfrytëzim për këtë pronë për SHL Kosova, e cila është organizatë që mirret ekskluzivisht me organizime rinore në komunën e Rahovecit, faleminderit.

Besë Bytyqi – faleminderit shumë, falënderoj gjithashtu Mirsadin si anëtar i komisionit dhe të gjithë të tjerët për punën e tyre. Ka mbi 20 vite që SHL Kosova ndikon jashtëzakonisht shumë në përmirësimin e jetës së të rinjëve, në ngritjen e mirëqenies së jetës kulturore dhe edukativo-arsimore në Rahovec.

Konsideroj që vendimi më i mirë i yni do të ishte ky, pra vazhdimi i shfrytëzimit të pronës për SHL Kosova, sepse jemi deshmëtarë që puna e tyre është jashtëzakonisht e nevojshme për të rinjtë e të rejtat në komunën

tonë, që gjithmonë kanë dëshirë të mësojnë gjera shtesë jashtë mësimit formal, ju ftoj kolegë asambleistë të votojnë pro. Faleminderit.

Bejtullah Deliu – Në këtë pikë desha të ndalem te vitet e cekura, për 20 vitet e ardhshme. Jam i mendimit që për këto aktivitete rinore janë të mjaftueshme 5-10 vite dhe të rishqyrtohet vazhdimisht. Në këtë rast ndoshta për 20 vite ky aktivitet mund edhe të pasivizohet, e në anën tjetër kur janë më pak vite edhe menaxhmenti stimulohet për aktivizim më shumë. Ky është arsyeja im personal, nëse e shihni të arsyeshme edhe e votojmë kështu si është, por pjesë fillestare e kësaj qendre jam edhe vet dhe e di shumë mirë qfarë intenziteti të punës është bërë, me kalimin e kohës nuk është që kanë dal fjalë të mira, ndërkohë është aktivizuar sado pak, prap e përsëris për dy dekada për kësaj lloje aktiviteteve nuk është e arsyeshme, por nëse vitet e shfrytëzimit janë më pak besoj që do të ishte bërë punë më shumë.

Kryesuesi – Faleminderit Bejtullah, zyra ligjore ka një replikë.

Isak Hoti – Faleminderit kryesues, delegatë, drejtor. Bejtë, ligji i ri na jep mundësinë për vazhdimin e kontratave vetëm për ato kontrata afatgjate kjo d.m.th që ne nuk kemi të drejtë që kontratën afatgjate, ta bëjmë afatshkurtë sepse atëherë nuk konsiderohet si vazhdim kontrate, por duhet filluar procedurën prej pikës zero. Që mos të hyjmë në procedurë në këtë rast për Qendrën Rinore dhe të mbesim pa të, sepse del ndokush edhe mund ta fitoj kontratën. Sipas ligjit formë tjetër nuk kemi, nuk guxojmë t'i zbresim vitet në kontratë (neni 23 i ligjit dhe neni 28 i rregullores).

Bejtullah Deliu - deshta të bashkangjitem në argumentimin e Isakut, unë po flasë nga përvoja aty, nuk u bazova në bazë të ligjit, personalisht mendoj që për 20 vite për këtë lloj aktiviteti, mendoj që është një akomodim për menaxhmentin e tyre sepse çdo 5 vite aktiviteti i tyre kish me qenë më i duhur dhe më i mirë, pa keqkuptime. Nëse me ligj nuk lejohet më pak, atëherë nuk kemi pse diskutojmë.

Kryesuesi – Faleminderit Bejtullah, ndonjë pyetje rreth kësaj qeshtjeje? Nëse jo, atëherë po vazhdojm me pikën e 14-të të rendit të ditës, e vendosim në votim! Kush është PËR?...Atëherë unanimisht miratohet pika e 14-të e rendit të ditës shqyrtimi dhe miratimi i vendimit për vazhdimin e kontratës për dhënien në shfrytëzim afatgjatë të pronës së paluajtshme të komunës. kalojmë në pikën e radhës të e rendit të ditës,

15. Shqyrtimi dhe miratimi i propozim – vendimit për themelimin e dy komiteteve:

Kryesuesi - Ka qenë propozim në KPF. Është bërë një lëshim në përpilimin e vendimit sepse propozimin ishte ndryshe, e ftoj zyrtarin ligjorë të na informojë më shumë për qështje të formimit të komiteteve joobligative apo komiteteve tjera siç përcaktohet në bazë të udhëzimeve administrative.

Isak Hoti – Faleminderit kryesues, përshëndetje kryetar. Ndonjëherë edhe drejtorave ju them duhet të dini qka doni, që ne të dijmë qka të bëjmë. Në këtë rast ne nuk e kemi ditë qfarë keni dashtë edhe skemi ditë qfarë të bëjmë. Sot e marrim një propozim, qfarë dëshironi? Më pas e kemi lehtë ta përgatisim vendimin, kemi afat kohorë 7 ditë.

Kryesuesi – Isak, t'u kisha lutë për korrektësi, ju nuk keni marrë pjesë në mbledhjen e KPF-së, është dashur ta lexoni procesverbalin, aty specifikohet kërkesa apo propozimi i një anëtarë të komitetit d.m.th këtu dihet qfarë po kërkojmë!

Isak Hoti – I kemi dy udhëzime administrative, udhëzimi administrativ 05-2020 për procedurën e themelimit për bërjen dhe kompetencat e komiteteve të përhershme dhe komiteteve tjera në komunë.

Udhëzimi tjetër administrativ për procedurën e themelimit të komiteteve konsultative në komunë, ju e dëshironi konsultativ apo obligativ?

Kryesuesi – Fjalën e ka propozuesi i kësaj pike në mbledhjen e KPF-së, Burim Krasniqi.

Burim Krasniqi – I nderuar kryesues, unë në KPF, jam munduar të jem i qartë dhe besojë në mbledhjen tjetër të KPF-së vjen transkripti i diskutimit, aty kam propozuar themelimin e dy komiteteve jo obligative që rregullohen me udhëzim administrativ 05-2020.

Kryesuesi – Faleminderit Burim, një pyetje nga unë për zyrtarin ligjor, a është mundësia që sot të procedojmë për themelimin e këtyre komiteteve, apo janë procedurat që duhet ta bëjmë në seancën tjetër.

Isak Hoti – Faleminderit kryesues, në asnjërin udhëzim nuk po e shoh “komitete jo obligative”, këtu thotë “komitete tjera”, sepse ju jeni thirrur në udhëzimin administrativ 05-2020 për procedurën e themelimit dhe

për bërjen e kompetencave të komiteteve të përhershme dhe komiteteve tjera të komunës. Nëse është ky udhëzim, ky përbehet ndryshe. Nëse dëshironi ekspert të fushës atëherë bëhet me udhëzim administrativ të 2016-tës që shkon nëpërmjet konkursit të hapur. Ketë nuk përcaktohet qartë, nëse thua komitete jo obligative, nuk përputhet me udhëzim administrativ. Komitet jo obligativ nuk ka, nuk ekziston, thuhet “komitet tjetër” në komitete tjera keni të drejtë ti bëni në bazë të këtij udhëzimi administrativ, kjo i bie që ne nuk kemi gabuar kryesues, e as që gabojmë sepse edhe tash është e paqartë se çka po kërkohet.

Kryesuesi – Isak, kam qenë prezent në mbledhjen e KPF-së dhe jam në dijeni se çka po kërkohet dhe çfarë forme. Në këtë rast a është mundësia të formohen dy komitete tjera në baze të nenit 14 të udhëzimit administrativ 05-2020.

Isak Hoti – Po kryesues, përderisa shkruan në udhëzim keni të drejtë. Është e drejtë e këtij kuvendi të themelojë edhe komitete të tjera. Nëse flasim për arsim, kisha pas dëshirë me qenë ekspert të jashtëm me udhëzimin administrativ të 2016-tës, me konkurs dhe pjesë e atij konkursi në komision janë edhe kuvendarët.

Kryesuesi – Atëherë kërkoj nga zyra ligjore të filloj iniciimin e procedurave për përpilimin e vendimit për themelimin e “komiteteve tjera” dy komiteteve; për shëndetësi dhe arsim. Atëherë meqenëse rendin e ditës e kemi të miratuar, si kryesues i kuvendit propozoj që këto dy pika, e 15-të dhe e 16-të e rendit të ditës, për themelimin e dy komiteteve tjera nga kuvendi i komunës, t’i shtyejmë për seancën tjetër, i vendosim të dyjat bashkë në votim!

Besë Bytyqi – Falenderoj zyrtarin ligjor për shpjegimet. Personalisht mendoj që një komitet konsultativ do të duhet të përbëhej nga ekspert të fushave të shëndetësisë dhe arsimit, me persona që nuk janë të ndikuar politikisht në asnjë lloj forme, në menyrë që të na ndihmojnë të gjithëve pa dallim.

Edhe një herë e falënderoj Isakun për shpjegimet, në përgatitjen e këtyre komiteteve ne duhet të dakordohemi që komiteti konsultativ të jetë me ekspert të fushave nga jashtë.

Kryesuesi – Propozimet e anëtarëve të komitetit për politik dhe financa barten në seancën e rregullt të kuvendit komunal, propozimi ishte i qartë për fillimin e procedurave për themelimin e dy komiteteve tjera të bazuara në udhëzimin administrativ 05-2020, me përbërje nga kuvendi komunal, ky ka qenë propozimi, Burimi e ka fjalën dhe po e vendosim në votim!

Burim Krasniqi – Atëherë unë kërkoj kështu; me mundësi, sot ta vendosim në votim propozimin për themelimin e dy komiteteve të tjera që rregullohen me udhëzim administrativ 05-2020, për kohën dhe emrat vendosim në seancën tjetër, sot dakordohemi që në seancën tjetër t’i kemi propozim vendimet për komitetet sipas udhëzimit në fjalë.

Kryesuesi – Atëherë propozimin e Burim Krasniqit po e vendosim në votim, propozimi është për iniciimin e procedurave për themelimin e dy komiteteve të tjera, njëri për shëndetësi tjetri për arsim sipas udhëzimit administrativ 05-2020 me përbërje nga kuvendi komunal. Kush është Për?...kundër?...abstenim?...Atëherë me shumicë votash aprovohet propozimi për iniciimin e procedurave për themelimin e dy komiteteve tjera njëri për shëndetësi dhe tjetri për arsim. E lus zyrën ligjore që në seancën tjetër të rregullt vendimi të jetë gati. E vazhdojmë seancën pas pauzës...

15. Shqyrtimi dhe miratimi propozim vendimit për bartjen e mjeteve vetanake nga viti 2021 në vitin 2022.

Afrim Limani – Përshëndetje edhe një herë, të nderuar kuvendar/e paraprakisht ju kërkoj falje sepse jeni detyruar edhe një herë një pikë e cila ka kaluar në fakt para 2 muajve, arsyeja e vonës është për shkak të mos barazimit të departamentit të buxhetit dhe thesarit. Arsyeja pse është rikthyer në kuvend ky vendim janë tre projektet kapitale të cilat ne i konsideru kapitale tani në fakte këto projekte janë në rezerve. Ke mi të bëjmë me projekte për intervenime emergjente në infrastrukturë, projekti furnizim me gypa PVC dhe projekti për hartime të projekteve të ndryshme. Për mua ende është e pakuptimtë pse këto 3 projekte kanë kaluar tek rezervat, por 3 këto projekte janë të lidhura në vitin 2021 dhe janë projekte në vazhdim dhe ne për këto 3 projekte kemi pasur detyrime financiare, prandaj ne i kemi futur në vendimin për bartje të mjeteve duke e ditur që kemi obligim financiar. Ne me këtë vendim jemi shumë me vonës dhe ne kemi presione nga

operator etj. Prandaj kërkoj nga ju që të votoni këtë pikë të rendit të ditës sepse kemi të bëjmë me një shumë prej 592,276.00 €. Nëse nuk votohet kjo pikë e rendit të ditës, atëherë këto mjete mbesin të stagnuar deri në vitin 2023.

Bejtullah Deliu – Drejtor faleminderit nga ana juaj për sqarimin e dhënë pse është kthyer ky vendim në rishqyrtim, por propozimi që vije nga ju për bartje të mjeteve në disa pika të këtij vendimi mendoj se do të ishte më mirë nëse do të kishim ndonjë konsultim të përbashkët dhe nëse ulemi dhe bisedojmë pozitivisht, mendoj se do të gjejmë ndonjë konsensus që në disa pika të ndryshohet shuma e mjeteve. Nëse jeni të pajtimit që të bisedojmë sa i përket disa pikave atëherë unë jam pro, nëse jo mendoj se kështu si është kjo formë nuk është mirë të kalohet nga opozita.

Burim Krasniqi – Në seancën e fundit që e kemi pasur dhe sot është vazhdimësia e asaj seance, kemi kërkuar informata shtesë që të kemi arsyeshmërinë pse vendimi është kthyer nga MF, falënderoj drejtorinë financiare i cili sot e ka sjellë arsyeshmërinë nga MF. Por ajo që është shqetësuese, joparimore është ajo që kërkohej konsensus ose mirëkuptim por në anën tjetër provohet të bëhet edhe shantazh. Shpesh herë thuhet në këtë foltore se unë jam filani, por po e them edhe unë që unë jam Burim Krasniqi, nuk jetoj nga politika por jetoj nga profesioni. Kur marrë qëndrime politike si LDK nuk ma ndien se cili drejtor shkon në Xërxe dhe bënë zhurmë, është dashur së pari të i thoni banorëve të fshatit Xërxe që i keni mashtruar sepse kodin buxhetor për shkollë në Xërxe e kemi planifiku me zero €, shkolla e Xërxe nuk ka projekt fare, nuk e dini as sa kushton projekti, nuk e dini se kur do të ndërtohet. Nuk mundeni të dilni të proklamoni kështu situata që ta dëmtoni Burimin politikisht, pastaj Burimi kur të kthehet do të trembet, duhet të dini se LDK-ja ka kandidat sa të doni, nëse unë dëmtohem vjen dikush tjetër. Dilni ditë e natë ftoni të gjitha mediat, shkoni derë me derë dhe thoni që Burimi po ju mashtron,, por ju duhet të tregoni që ju i keni mashtruar paraprakisht. Nëse bëhet një shkollë për 60,000.00 € atëherë unë ja kam jetën borxh dikujt, po ethëm edhe një herë kur marrë qëndrime politike nuk ma ndien për askënd dhe asgjë. Pajtohem me propozimin e z. Bajtullah që të ulemi dhe të i shikojmë kodet dhe pozicionet buxhetore.

Kryetari – Përhëndetje për të gjithë të pranishmit në sallë – Në disa raste duhet të ketë edhe konsensus nëse është i nevojshëm dhe në interes të qytetarëve, por konstruktiv së paku duhet të përpiqesh të jesh në vazhdimësi. E mirëkuptova Burimin është e vërtetë që në përbërjen e kaluar të kuvendit ne vetëm e kemi hapur kodin për rregullimin e shkollës në Xërxë, aneksin e shkollës në Ratkoc dhe shkollën Bekim Sylka me shpresën që do të marrim ndonjë donacion ose do të jetë pjesë e buxhetit të kuvendit të Republikës së Kosovës. Në planin e bartjes së mjeteve në shkurt ne kemi vendosur që nga 60,000.00 € sepse kaq kanë qenë mundësitë financiare, poashtu jam dakord me Burimin që thotë me 60,000.00 € nuk bëhet shkolla por nëse nuk kemi kontratë në plan të prokurimit atëherë nuk mundemi të bëjmë asgjë, ne edhe për shkollën fillore në Fortesë nuk kemi pasur në fillim as 50,000.00 € por tani kjo shkollë është ndërtuar, prandaj edhe shkolla në Xërxe do të ndërtohet. Sot e kam marrë konfirmimin se jemi komuna e parë në grand për performances ku kemi fituar rreth 1,148,000.00 €, prandaj mundet edhe një pjesë e këtyre mjeteve të shfrytëzohet. Edhe një herë po ju ftoj që të mbështesni këtë propozim vendim, nëse jeni që të bisedojmë atëherë pajtohem por mirë kishte me qenë që kjo pikë të kalojë sot. Ftojë shefat e grupeve nëse kanë ndonjë propozim konkret atëherë mundemi të bisedojmë, por duhet të dini se nuk kemi mundësi të bëjmë lëvizje të mëdha.

Leonard Morina – Ekzekutivi gjithmonë ju ka drejtuar opozitës se ju nuk keni përvojë e ne kemi përvojë, tani këtu po del që pozita përvojë ka por jo të mirë, nga afro 600,000.00 €, shuma prej 120,000.00 € është e destinuar gabimisht nëpër kode, kjo nuk është profesionalizëm dhe as përvojë. Ne si opozit mundemi të ju mbulojmë gabimet e juaja edhe me kompromise, pajtohem me propozimin e Bejtullahut që të shkojmë me një paus.

Kryesuesi – Pajtohem edhe unë me propozimin e Bejtullahut, por të kemi një pauzë më të shkurtër e jo prej 1 ore por gjysmë ore.

Bejtullah Deliu – Desha të ndërlihdëm me kolegun nga radhët e grupit të AAK-së, kërkesa ime për një pauzë 1 orësh nuk ka qenë për ti rritur pazaret, nuk e di a isha i qartë për ju por unë kam thanë brenda kësaj

kornize mjetet janë të pakta për aty ku ne mendojmë. Aty ku unë mendoj dhe dua të mbrojë pikën time është sporti, kërkesa ime është që në sporte të ritet shuma edhe një herë minimumi të jetë 100,000.00 €, dola këtu të ju tregoj sepse shprehja juaj shumë keq ka tingëlluar, qëllimi nuk është këtu i kurrfarë pazareve, qëllimi i vetëm është destinimi i duhur i mjeteve.

Kryetari – E kuptoj kërkesën e z. Bejtullah, poashtu edhe unë jam që të ritën subvencionet në sport por në këtë rast ne nuk mundemi, me rishikim të buxhetit besoj se po, kam kërkuar edhe unë që të ritet kjo kategori por nuk na është lejuar tani, por me rishikim po dhe në vitin tjetër mundet dhe ne do të risim subvencionet në përgjithësi.

Bejtullah Deliu – Kryetar unë për vete nuk kam dëshirë që të keqkuptohet ajo që kam kërkuar një pauzë për 1 orë, qëllimi imë ka qenë vetëm që ne të merremi vesh sa i përket këtij vendimi, nëse jo atëherë hidheni në votim dhe ne do të shprehim përmes votës mendimin tonë.

Afrim Limani – Desha të ja japë një përgjigje z. Bejtullah, i nderuar këtu kemi të bëjmë me një shumë prej 592,000.00 € për investime kapitale nga pjesa e tejkallimit të të hyrave vetanake, këto do të bartën në kuadër të projekteve kapitale. Prioritetet më së mirë i dinë drejtorja e financave sepse e dinë se ku janë borxhet dhe ju garantoj se ne e kemi bërë në mënyrën më të mirë dhe më të sigurtë, prioritet i kemi dhënë borxheve të vjetra. Obligime me këto barte nuk do të kemi deri në vitin 2017, prioritet i kemi dhënë disa projektet të pa buxhetuara si këto që diskutuam deri më tani shkolla në Xërxe, Ratkoc dhe Rahovec. Po ju japë edhe një informatë sa i përket hapjes së këtyre kodeve nga struktura e kaluar e kuvendit, ata kanë qenë në dijeni se në këtë kodë nuk ka mjete, por premtimi ka qenë qemë bartje të mjeteve ne kemi me buxhetu dhe ne e kemi mbajtur këtë premtim. I nderuari Leonard e pranoj që nuk jam më i miri, por unë ende nuk mundem të bindem pse janë duke na bërë këtë ministria sepse këto projekte rezerva janë projekte të viti 2022 dhe ne jemi duke vënë me bartje nga projektet e vitit 2021 me bartje të të hyrave vetanake sepse në vitin 2021 ka qenë një kod sepse ngjarja ka ndodhur në vitin 2021, por ne duhet të i respektojmë vendimet e ministrisë.

Bejtullah Deliu – I nderuari drejtor asnjëherë deri më tani nuk kam dyshuar në sqarimin që e jep, poashtu nuk dua të hy në atë se sa je profesionist, por unë kam të drejtë të kërkoj diçka dhe unë kam kërkuar që brenda kësaj kornize nëse gjejmë hapësirë dhe mundësia që të ndihmohet sporti, nëse nuk ka mundësi ligjore atëherë do të marrim edhe opinione nga zyra ligjore a kemi të drejtë apo jo, unë vetëm kam kërkuar vetëm që të bisedohet sepse i përkas një subjekti politik që me vite është formuar me konstruktivitet. Të nderuar blanko votë ndoshta ka pasur më herët, por tash e tutje nuk do të ketë këtë ta keni të qartë.

Kryesuesi – Besoj se më së mirë kishte me qenë që të shkojmë me një pauzë prej 30 minuta, ku pastaj rikthehemi për të vazhduar seancën. Atëherë fillimisht po iu kërkojë falje për zgjatjen e kësaj pauze, por situata ishte e tillë që është dashur patjetër të zgjaste kaq shumë.

Kryetari – Përhëndetje edhe një herë kryesues, anëtarë të kuvendit, drejtorë të drejtorive, nënkryetar.

Biseduam me shefat e grupeve për këtë temë për të cilën jemi duke u perballë, që të arrijmë të bejmë punë të mira, duhet patjetër të kemi compromise. Me vëmendje e kam dëgjuar kërkesën e Bejtullah Deliut, kur ka thënë që është duhet më shumë të investohet në sport, në të ardhmen duhet të rriten subvencionet dhe të kemi mbështetje më të madhe në sport, ne disiplina të ndryshme sportive. Ne pas konsultimeve të përbashkëta, është e arsyeshme që nga kodi i investimeve kapitale, ndërtimi i aneksit të shkollës në Ratkoc që parashihen me këtë vendim 60.000eu, t'i hiqen 10.000eu (këtu mbesin 50.000) dhe 70.000eu bëhen për ndërtimin e shkollës fillore në Xërxë. Nga kodi për rrugë fushore për bujqësi nga 50.000eu që janë të parapara për rrugë fushore, poashtu kemi pranuar që edhe këtu të hiqen 10.000eu dhe të shtohen përsëri te objekti i ri i shkollës fillore në Xërxë, nga 60.000eu sa ka kjo shkollë nga propozimi aktual, bëhen 80.000eu. Ndoshta ekziston dëshira të bejmë levizje edhe në drejtime të tjera, meqenëse nuk kemi shumë problem me rrugë fushore, e objekti i ri në Xërxë parashihet për standarte të larta, mendojmë që është një start i mirë me 80.000eu. Aneksit të shkollës fillore në Ratkoc po i mbesin 50.000eu, sepse aty është vetëm aneks.

Aktualisht levizje tjera nuk kemi mundësi të bejmë, sepse të gjitha të tjerat janë obligime. Meqenëse këtu bëhet fjalë për investime kapitale dhe bëhet fjalë për mirëkuptim midis ekzekutivit dhe juve, dhe ju ftoj ta miratojmë vendimin për bartjen e të hyrave nga viti 2021 në 2022, me zotimin që do të ketë më shumë

subvencione, por ju e dini që aktualisht subvencione për këtë vit kemi vetëm 361.000eu. Ekziston mundësia reali që t'i rrisim subvencionet, jam konsultuar edhe me Afrimin sepse është e quditshme se si psh; Obiliqi ka 1.000.000eu subvencione e ne i kemi vetëm 361.000eu. Ne me rishikim të buxhetit dhe ndihmen e kuvendit duhet ta bejmë të mundshme dhe jam i bindur që do të ketë rritjet të subvencioneve për vitin e ardhshëm. Ju ftoj për konsensus në kuvend, t'a hedhim këtë pikë në kuvend dhe t'a votojmë, vlerësojeni vet sit ë doni por me këtë pozicione kemi arritë të ndahemi me nder të dy palët.

Pas konsultimeve me më shumë se gjysmë ore, me Burimin, Leonardin, Bejtullahin dhe Besmiren po mendoj që ka ardhë koha për dakordim.

Bejtullah Deliu – Faleminderit zotëri kryesues, pak e stërzgjatëm këtë pauzë që unë e kërkoja, por besoj që jemi brenda kornizave që kam kërkuar edhe pse jo kënaqshëm, po pasi që nuk kemi zgjidhje ligjore për ndryshim, kërkoja nga ju që të zotoheni këtu në rishikim të buxhetit që kërkesat tona të hasin në mirëkuptim, dhe rishikimi i buxhetit të bohet me opozitë, komuna është edhe e pozitës edhe opozitës, prandaj konsideroj që ky të jetë një mësim i vogël për një të ardhme që mos të hasim në kësi pozicione, por për hirë të qytetarëve, për hirë të bizneseve që paratë e tyra janë stagnu dhe presin me muaj të tërë për pagesa për punën që është bërë. E kemi ndëgju shpesh fjalë borgj, borgj, borgj, disi ka ardhë ky borgj, ndoshta vëllimi dhe rritja enorme e punës para fushatës ka bërë që të jetë ky efekt. Prandaj është mirë të mendohet paraprakisht çka punohet. Në rishikim të buxhetit ju lus që me shefat e grupeve të opozitës të ulemi dhe në secilën pike t'i kemi kërkesat tona. E dijmë që ekzekutiv jeni ju dhe i keni gjërat në dorë por, së paku të respektohet edhe vullneti i këtyre votuesve të opozitës sepse nëse i mbledhim faktikisht del më shumë se 50% si opozitë, e kam fjalën për raundin e parë të zgjedhjeve. Prandaj për hire të bizneseve është ky mirëkuptim i opozitës që duhet të ju përkrahim në këtë pikë, të kalojë kjo pikë, përndryshe ndoshta nuk është me meritë forma apo qasja se si kemi ardhë në këtë pikë të votimit. Me kaq po e përmbylli dhe uroj që këto fjalë të kryetarit të gjejnë bazë në praktikë duke na ftuar për kontribut të gjithëve. Faleminderit.

Sinan Kryeziu – Faleminderit kryesues, për shkak se une kam sponsorizu që kjo pike të shtyhet për seancën e radhës, detyrohem që fillimisht për hire të qytetarëve, ne grupi i VV-së do të votojmë pro, për arsye se kryetari së paku reflektoi pozitivisht në ndërrimin e destinacioneve ku edhe bëri rritje për shkollën e fshatit Xërxe.

Burim Krasniqi – Faleminderit kryesues, e kam vetëm një kërkesë, mos të vijmë në situatë të tillë të buxheti i vitit të ardhshëm sepse mund të detyrohemi të votojmë kundër, do të kemi paraprakisht dakordim të përbashkët, me mirëkuptim do të ecim tutje, faleminderit.

Kryetari – Besoj që e dini që komiteti për politikë dhe financa (KPF) bën dëgjime buxhetore, unë besoj që asgjë nuk do të shkoj keq. Realisht procesin e buxhetimit ose hartimit të buxhetit e udhëheq një në far mënyre KPF, i kanë qarkoret buxhetore, merr pjesë drejtori për politikë dhe financa etj...Unë besoj që problemi po krijohet më pas, se nuk ekziston procesi i rishikimit të buxhetit pa dakordim, e sa për dijeni rishikimi nuk varet prej neve por prej ministrisë së financave. Ideja është që unë asnjëherë nuk e kam patur problem ti takoj shefat e grupeve, por kerkoj pak më shumë transparencë, pasi edhe jemi komuna më transparente në Kosovë. Faleminderit shumë për qëndrimin dhe konstruktivitetin tuaj dhe kompromise në interes publik.

Kryesuesi – Atëherë nesë askush nuk ka diqka për të shtuar, pikën për shqyrtimin dhe miratimin e propozim-vendimit për bartjen e mjeteve vetanake nga viti 2021 në vitin 2022, po e vendosim në votim!

Kush është Për? kundër? abstenim? Me 25 vota për, 3 kundër dhe 1 abstenim, miratohet shqyrtimi dhe miratimi i propozim-vendimit për bartjen e mjeteve vetanake nga viti 2021 në vitin 2022, kështu më përfundimin e kësaj pike përfundon edhe seanca e sotshme e rregullt, deri në seancën e radhës, mirupafshim.

Procesmbajtësi:

Agim Hoti

